

何伯安藏書

古本
影印

女科經綸

南沙劉賢題



上卷



蕭壘著

女
科
經
論

劉賢題



自序

兩儀定位陰陽肇分天地即以陰
陽化生萬物故經云陰陽者天地
之道萬物之綱紀變化之父母而
男女其陰陽之始也聖人以六經
垂教萬世易始乾坤詩首關雎書

傳釐降禮著內則春秋載王姬蓋
以夫婦為人道之造端而婦人乃
孳育化原之本是以揆調燮之術
者不可不於婦人之病為獨重也
自寇宗奭謂寧醫十男子莫醫一
婦人以婦人病四診有所不能盡

而其所患者多隱曲不可述如月
經胎產至崩淋帶下俱屬鄙瑣難
以言示然而婦人之病惟茲諸症
為最要故著書者於茲尤不可不
亟講也余纂輯醫學經綸博極群
書兼綜條貫凡雜症得一百六十

有三採摭名賢之論七千條有奇
而婦人月經諸症不與焉誠以婦
人之病莫重於月經胎產崩淋帶
下是以別立標名曰女科經綸凡
一切內外虛寔寒熱各有條序按
之畧方名詳治論俾學者知所從

事其於婦人病庶母患治療之倍
難於男子也司馬子長稱扁鵲遇
趙聞邯鄲貴婦人病帶下即為帶
下醫夫婦人病不止於帶下而扁
鵲所遇隨以其名聞諸侯間知古
人留心於婦人病蓋慎且重也今

之醫者非如扁鵲遇長桑君授上
池神術舍昔聖昔賢之論而欲異
為洞垣之見不其難哉苟有志斯
其以是編為規架為繩墨為可也
康熙甲子歲孟秋七月樵李棘人

蕭堽慶六氏漫識

女科經論

卷一

月經

卷二

嗣育

卷三

惡阻

腰痛

卷四

子煩

經來

子懸

胎漏

子滿

尿血

子氣

子淋

腹痛

轉胞

心痛

子瘖 中風 瘕瘕 子嗽 傷寒 瘧疾 痢疾

霍亂 泄瀉 傷食 吐血 喘息 臍燥 鍾鳴

胎動 傷胎 墮胎 半產 小產 胎孕不長 鬼胎

腸覃石痕

卷五

難產 交骨不開 凍產 熱產 催生 催脈 新產

產後 產戒 產療 血暈 惡露不下 惡露不

止 頭痛 心痛 腸痛 心腸痛 腰痛 脇痛

遍身痛 血塊 傷食 腸痛嘔吐 腸脹嘔吐 呃逆

氣喘

卷六

浮腫

發熱

虛汗

中風

瘧

口禁

角弓反張

不語

驚悸

發狂

見鬼

妄言

虛煩

口鼻

咳嗽

瘡痢

蓐勞

血崩

大便

小便

月水

乳病

玉門

卷七

血崩

帶下

卷八

熱入血室 血分 水分 咽中 八瘕 癥痞 血癥

疝癰 癥瘕 乳癰 乳岩 腫陰 陰痒 陰挺

陰吹 陰瘡 足瘡 指 夜夢

女科經綸卷一

樵李蕭 堦賡六纂著

男

銚律黃

壻

李含漢南溟

全校

金大起旭曙

石

楷臨初

殷

銘子文

禾郡

薛珩楚玉

李新枝森若

尹延英樹百

全叅訂

賈所學九如

萬人望吉先

葛錫保箕山

懷應聘莘臯

江

法樂天

月經門

經論女子月事屬太衝脈盛

素問曰女子七歲腎氣盛齒更髮長二七而天癸至任脈通太衝脈盛月事以時而下故能有子

經論女子血海屬于少陰一經

靈樞曰衝脈起于胞中出于氣街前行于胸伏行于背上出頤頰滲灌諸陽下入于足注諸路爲十二經脈之海其出入皆少陰經以行故爲血海

經論女子經水温寒與天地相應

素問曰天地温和則經水安靜天寒地凍則經水凝泣天暑地熱則經水沸溢卒風暴起則經水波湧而隴起邪之式于脈也

也。○寒則血凝泣。天暑則氣淖澤。虛邪因而入客。亦如經水之得風也。

慎齋按。已上經論三條。序女子月事。始本太衝脈盛而衝脈則起。胞中卽爲血海。此經水之原也。但經水得寒則凝。得熱則行。嘗與天地寒暑之氣相應。而調經者。可以知所務矣。

○女子月事本血室。以時而下論。

王太僕曰。衝爲血海。諸經朝會。男子則運而行之。女子則停而止之。謂之血室。經云。任脈通。衝脈盛。男旣運行。女旣停止。運行者。無積而不滿。動也。停止者。有積而能滿。靜也。不滿者。陽也。氣

也。能滿者陰也。血也。故滿者以時而溢。謂之信。男子以氣運。故陽氣應日而一舉。女子以血滿。故陰血應月而一下。

○女子月經本任衝二脈血海有餘論

馬玄臺曰、任衝二脈、奇經八脈之二也、經云任主胞胎、衝爲血海、今二脈俱通月事而下、靈樞云、衝脈任脈皆起于胞中、又云衝脈爲血之海、又云血海有餘、按血海之海、雖曰旣行而空、至七日後而漸滿、如月之盈虧相似、當知血海之有餘、以十二經皆然、非特血海之滿也、故始得以行耳。

女子月事本任督二脈血海之滿論

程扶生曰任脈者起于中極之下以上毛際循腹裏上關元至咽喉屬陰脈之海任者妊也此人生養之始故曰任脈中極之下長強之上此奇經之一脈也督脈者起于下極之脛並於脊裏上至風府入腦上顛循額至鼻柱屬陽脈之海督之言都也是人陽脈之都綱也人脈比于水故云陽之海此奇經之一脈也任脈主任一身之陰血太衝屬陽明爲血之海故穀氣盛則血海滿而月事以時下也。

婦人月水本于四經論

齊仲甫曰婦人月水本于四經二者衝任二者手太陽小腸手

少陰心，然衝爲血海，任主胞胎，二者相資，故令有子。小腸經屬腑，主表爲陽，少陰經爲臟，主裏屬陰。此二經在上爲乳汁，在下爲月水。

慎齋按：已上四條，序女子月經本于血室。血室卽血海，而其脈則屬于衝任督三脈。心與小腸二經爲月水之原也。

女子天癸之至名月信論

陳良甫曰：經云：女子二七而天癸至，天謂天真之氣，癸謂壬癸之水，壬爲陽水，癸爲陰水。女子陰類，衝爲血海，任主胞胎，二脈流通，經血漸盈，應時而下。天真氣降，故曰天癸。常以三旬一見。

以像月盈則虧不失其期故名曰月信

○女子月經非天癸之辨論

馬玄臺曰經云女子二七天癸至天癸者陰精也腎屬水癸亦屬水由先天之氣畜極而生故謂陰精爲天癸王冰以月事爲天癸者非也男女之精皆可以天癸稱今王註以女子之天癸爲血則男子之天癸亦爲血耶男女當交媾之時各有精而行經之際方有其血未聞交媾時可以血言也至云精開裹血血開裹精者亦非靈樞云兩神相搏合而成形常先身生是謂精者是也但女子之精以二七而至而其月事亦與此時同其候

也

慎齋按已上二條序女子之月水卽爲天癸又辨天癸不可
以月信名也

○男女精血本五味之秀實論

褚侍中曰飲食五味養髓骨肌膚毛髮男子爲陽陽中必有陰
陰中之數八故一八而陽精升二八而陽精溢女子爲陰陰中
必有陽陽中之數七故一七而陰血升二七而陰血溢皆飲食
五味之實秀也

○婦人經血屬心脾所統論

薛立齋曰。經云。飲食入胃。游溢精氣。上輸于脾。脾氣散精。上歸于肺。通調水道。下輸膀胱。水精四布。五經並行。東垣所謂脾爲生化之源。心統諸經之血。誠哉是言也。心脾平和。則經候如常。苟或七情內傷。六淫外侵。飲食失節。起居不時。脾胃虛損。心火妄動。則月經不調矣。大抵血生于脾土。故云脾統血。凡血病當用苦甘之藥。以助陽氣而生陰血也。

○婦人經血生于水穀之精氣論

薛立齋曰。血者水穀之精氣也。和調五臟。洒陳六腑。在男子則化爲精。在婦人則上爲乳汁。下爲月水。故雖心主血。肝藏血。亦

皆統攝于脾補脾和胃血自生矣凡經行之際禁用苦寒辛散之藥飲食亦然

○婦人月水與乳俱脾胃所生論

程若水曰婦人經水與乳俱由脾胃所生經脈別論云食氣入胃其清純津液之氣歸于心入于脈變赤而爲血血有餘則注于衝任而爲經水經水者陰水也陰必從陽故其色赤稟火之色也衝爲血海任主胞胎若男子媾精陰陽和合而成孕則其血皆移蔭于胎矣胎既產則胃中清純津液之氣歸于肺朝于脈流入乳房變白爲乳是稟肺金之色也或兒不自哺則陽明

之竅不通其胃中津液仍歸于脈變赤而復爲月水矣

慎齋按已上四條序婦人經血由于飲食五味水穀之精氣所化此調經必先于扶脾保胃爲要也

○女子經不調由合之非時論

褚侍中曰女人天癸既至踰十年無男子合則不調未踰十年思男子合亦不調不調則舊血不由新血悞行或漬而入骨或變而爲腫或雖合而難子合多則瀝枯虛人產乳衆則血枯殺人觀其精血思過半矣

○經不調由陰陽盛衰所致論

王子亭曰、經者常候也、謂候其一身之陰陽、愆伏、知其安危、故每月一至、太過不及、皆爲不調、陽太過則先期而至、陰不及則後時而來、其有乍多乍少、斷絕不行、崩漏不止、皆由陰陽盛衰所致。

○○○經候不調有陰陽相勝論

許叔微曰、婦人病多、是月經乍多乍少、或前或後、時發疼痛、醫者一例呼爲經病、不辨陰勝陽、陽勝陰、所以服藥少效、蓋陰氣乘陽、則胞寒氣冷、血不運行、經所謂天寒地凍、水凝成冰、故令乍少、而在月後、若陽氣乘陰、則血流散溢、經所謂天暑地熱、經

水沸騰故令乍多而在月前當別其陰陽調其血氣使不相乖以平爲期也

。經不調屬風冷乘虛客胞中論

陳良甫曰婦人月水不調肝風冷乘虛客于胞中傷衝任之脈以損手太陽手少陰之經也蓋衝任之脈起于胞中人將息順理則血氣調和六淫不能爲害若勞傷血氣則風冷乘之脾胃一傷飲食漸少榮衛日衰肌膚黃瘦皆由衝任勞損故凡遇經行最宜謹慎否則與產後證相類

月水不調屬風冷之邪搏血論

王子亨曰婦人月水不調者由勞傷氣血致體虛風冷之氣乘之也衝任之脈皆起于胞內爲經絡之海手太陽小腸手少陰心二經爲表裏主上爲乳汁下爲月水若冷熱調和則衝任氣盛太陽少陰所生之血宜流依時而下若寒溫乖適經脈則虛如有風冷虛則乘之邪搏于血或寒或溫寒則血結溫則血消故月水年多年少爲不謂也

○月經不調屬憂思鬱怒所致論

方約之曰婦人以血爲海婦人從于人凡事不得專行每多憂思忿怒鬱氣思多書云氣行則血行氣止則血止憂思過度則

氣結氣結則血亦結。又云氣順則血順，氣逆則血逆。忿怒過度，則氣逆，氣逆則血亦逆。氣血結逆于臟腑經絡，而經于是乎不調矣。

慎齋按已上六條，序婦人經水不調之由也。婦人以血用事，故病莫先于調經，而經之所以不調者，或本于合非其時，或屬于陰陽相勝，或感于風冷外邪，或傷于憂思鬱怒，皆足以致經候不調之故。此病機之不可不察者也。

經水不調有先後多少之分

戴復庵曰：婦人每月經水應期而下，不使有餘，猶太陰之缺，其

有或先或後或多或少或欲來先病或遇來而斷續皆謂之不調和氣飲加香附

經行先期後期有血熱血虛之分

朱丹溪曰經水先期而至者血熱也四物加芩連香附後期而至者血虛也芎歸參朮加二陳

薛立齋按先期而至有因脾經血燥宜加味逍遙散有因肝經鬱滯宜歸脾湯有因肝經怒火宜加味小柴胡湯有因血分有熱宜加味四物湯有因勞役火動宜補中湯如過期而至有因脾經血虛宜人參養榮湯有因肝經血少宜六味九

蓋血生于脾故云脾統血凡血病當用甘苦之劑以助陽氣而生血也

○月經過期不及期爲有火無火論

趙養葵曰經水如不及期而來者有火也宜以六味丸滋水則火自平矣如不及期而來多者本方加海螵蛸柴胡白芍如半月或十日而來且綿延不止此屬氣虛用補中湯如過期而來者火衰也本方加艾葉如遲而色淡者本方加桂此其大略也其間亦有不及期而無火者有過期血有火者多寡不全不可拘于一定當察脈之遲數視稟之虛寒強自伯以滋水爲主隨

證加減。凡紫與黑色者，多屬火旺之甚，亦有虛寒而紫黑者，不可不察脈審證。若淡白則無火明矣。

○ ○ 月經紫黑屬熱非寒論

朱丹溪曰：經水者陰血也，陰必從陽，故其色紅。稟火色，血爲之配。氣熱則熱，氣寒則寒，氣滯則滯，爲氣之配。因氣而行，見有成塊者，氣之凝也。將行而痛者，氣之滯也。來後作痛者，氣血俱虛也。錯經妄行者，氣之亂也。色淡者，虛而有水混之也。紫者，氣之熱也。黑者，熱甚也。今人見紫黑成塊作痛，率指爲風冷，乘之用溫熱劑，禍不旋踵。經云：亢則害，水承制。熱甚必兼水化，故熱則

紫甚則黑也。且婦人性多忿鬱嗜慾倍加臟腑厥陽之火無日不有。非熱而何。若以風冷必須外感。卽或有之亦于百而一二也。

經黑屬風寒外乘當辨脈證

葉氏曰血黑屬熱丹溪之論善矣。然有風寒外乘者十中嘗見一二。蓋寒主收引小腹必常冷痛。經行時或手足厥冷唇青面白尺遲或微而虛或大而無力。熱則尺洪數或寔有力。參之脈證爲的。

準繩按冷證外邪初感入經必痛或不痛者久則鬱而變熱。

且血寒則凝，既行而紫黑，故非寒也。

經水辨色有氣虛血熱痰多之分。

朱丹溪曰：經水不調而水色淡白者，氣虛也。宜參朮歸芍黃芪香附之屬。經水過期而紫黑成塊者，血熱而實也。必作痛，宜四物加黃連香附。經水過多而淡色者，痰多也。二陳加芎歸。

薛立齋按：經水過期而至，有因脾經血虛者，宜人參養榮湯。有因肝經血少者，宜六味丸。有因氣虛血弱者，宜八珍湯。

經水辨色用藥之法

李氏曰：心主血，故以色紅爲正。雖不對期而色正者，易調其色。

紫者風也。四物加荆防自芷黑者熱甚也。四物加芩連香附淡
白者虛也。有挾痰停水以混之。芎歸湯加參芪白芍香附有痰
者二陳加芎歸如煙塵水。如屋漏水者二陳加秦芫防風蒼朮
如豆汁者四物加芩連或帶黃混濁者淫痰也。成槐作片白不
變者氣滯也。四物加香附胡索枳殼陳皮色變紫黑者血熱也。
按已上七條序經水有先期過期之候。有屬熱屬寒之分。有
色黑色淡之辨。凡此皆經候不調之所屬也。

經論月水來腹痛屬子門有寒

甲乙經曰女子胞中痕子門有寒引臏髀水道主之。

○經行腹痛屬風冷客于胞絡

陳良甫曰經來腹痛由風冷客于胞絡衝任或傷手太陽手少陰二經用溫經湯加桂枝桃仁若憂思氣鬱而血滯用桂枝桃仁湯地黄通經丸若血結成塊用萬病丸

經行腹痛屬寒溼搏于衝任

滑伯仁曰有經行前臍腹絞痛如刺寒熱交作下如黑豆汁兩尺沉澁餘皆弦急此由下焦寒溼之邪搏于衝任衝爲血海任主胞胎爲婦人之血室經事來邪與血爭故作疔痛寒溼生濁下如豆汁宜治下焦以辛散苦溫血藥治之

○經行腹痛屬于血澁

王海藏曰、經事欲行、臍腹絞痛者、血澁也、宜八物湯加水香栝
榔胡索苦練、

○經行腹痛屬于氣滯

朱丹溪曰、經將行腹痛屬氣之滯、用香附青皮桃仁胡索黃連
又用抑氣散、四物加胡索丹皮條芩、又曰、經將來腹中陣痛、年
作乍止者、血熱氣實也、四物加黃連丹皮、

○經行腹痛宜調氣

戴元禮曰、經事來而腹痛、不來腹亦痛、皆血之不調故也、欲調

○經行腹痛屬風冷客于胞絡

陳良甫曰經來腹痛由風冷客于胞絡衝任或傷手太陽手少陰二經用溫經湯加桂枝桃仁若憂思氣鬱而血滯用桂枝桃仁湯、地黃通經丸若血結成塊用萬病丸

經行腹痛屬寒溼搏于衝任

滑伯仁曰有經行前臍腹絞痛如刺寒熱交作下如黑豆汁兩尺沉澁餘皆弦急此由下焦寒溼之邪搏于衝任衝爲血海任主胞胎爲婦人之血室經事來邪與血爭故作疔痛寒溼生濁下如豆汁宜治下焦以辛散苦溫血藥治之

是血行而氣滯未盡行也。四物加木香。

準繩按經後腹痛爲虛明甚。若脈不數證不顯熱未可斷其爲熱也。八珍爲宜。有熱方以逍遙散主之。

慎齋按已上八條序經行腹痛有寒熱虛實之分也。主于風冷寒溼者經文與良甫伯仁之論是也。主于血滯氣滯者海藏丹溪之論是也。若經行後腹痛是有虛無實有寒無熱矣。而丹溪則又兼熱與氣滯論病機不可不審。

經行潮熱有內傷外感虛實之分。

李氏曰經行潮熱。有時爲內傷屬于虛。潮熱無時爲外感屬于。

實虛者大溫經湯實者四物加柴芩

經行客熱屬于體虛外熱之加

大全良方曰經行客熱者因體虛而將溫過度外熱加之非臟腑自生故云客熱其狀上焦胸膈之間虛熱口燥心煩手足壯熱是也。

經行後發熱目暗屬血虛

女科撮要曰有經後發熱倦怠兩目如帛蔽夫脾爲諸陰之首目爲血脈之宗此脾傷而五臟皆爲失所不能歸于目也用補中湯歸脾湯端主脾胃而愈凡發久者陽氣亦自病須調補之

慎齋按已上三條序經行有潮熱客熱發熱之證也經行潮熱客熱兼虛實論若經後發熱則是血脈空虛陰虛不足爲有虛而無實也

○ ○ 經行泄瀉屬于脾虛多溼

注石山曰有婦人經行必先瀉二三日然後經下診其脈皆濡弱此脾虛也脾主血屬溼經水將動脾血先已流注血海然後下流爲經脾血既虧則虛而不能運行其溼以參苓白朮散服之月餘而經行不瀉矣

○ ○ 經行白帶屬陽虛陷下

繆仲淳曰。有月水過多。白帶時下。日輕夜重。泄瀉無時。亦屬下
多亡陰。宜作血虛論治。服四物益甚。始悟此病正合仲景陽生
陰長之法。夫經水多白帶時下。又兼泄瀉。皆由陽虛陷下。而然
命曰陽脫是也。日輕夜重。蓋日陽旺而得健運之職。故血亦無
疑滯之患。日故輕。夜則陰旺而陽不得其任。失其健運之常。血
亦隨滯。故夜重。以參朮助陽之藥服之。

慎齋按。已上二條。序經行有泄瀉白帶之兼證也。經行中兼
見之證不一。而腹痛發熱泄瀉白帶四證。則常有之。四證見
其一。皆足以致經候不調之病。故以此序于月經不調之後。

但月經不調而不加意審治勢必漸至于不月而經閉有血枯之候故卽以女子不月經閉血枯諸論集于下此序書之原委也讀者不可不知。

經論女子月事不來屬于胞脈閉

素問曰月事不來者胞脈閉也胞脈者屬心而絡于胞中今氣上迫肺心氣不得下通故月事不來也

經論女子不月屬二陽之病

素問曰二陽之病發于心脾有不得隱曲女子不月其傳爲風消爲息奔者死不治

慎齋按已上經論二條序女子不月。一屬於胞脈之閉一屬於二陽之病也。

○女子不月屬心脾病宜治心火養脾血

張潔古曰女子月事不來者先瀉心火血自下也。經云二陽之病發心脾。有不得隱曲。故女子不月。其傳爲風消。太僕註曰大腸胃熱也。心脾受之。心主血。心病則血不流。脾主味。脾病則味不化。味不化則精不足。故其病不能隱曲。脾土已虧則風邪勝而氣愈消。又經云月事不來者胞脈閉也。胞脈屬於心。絡于胞中。今氣上迫肺。心氣不得下通。故月事不來。先服降心火之劑。

後服五補丸衛生湯治脾以養其血。

○女子不月屬腸胃病及于心脾論

王安道曰二陽足陽明與手陽明脈也。腸胃有病，心脾受之，發于。心脾猶言延及心脾也。雖然脾胃爲合胃病而及脾理固宜矣。大腸與心本非合也。以大腸而及心何哉。蓋胃爲受納之府。大腸爲傳化之府。食入于胃濁氣歸心。飲入于胃輸精于脾者。以胃之能納。大腸之能化耳。腸胃旣病則不能受不能化。心脾何所資。心脾旣無所資則無以運化而生精血。故腸胃有病心脾受之。則男子爲少精女子爲不月。心脾總男女言之。至隱曲。

不月方主女子說

○女子不月屬胃病不能運化水穀論

馬立臺曰二陽者足陽明胃脈也。爲倉廩之官。主納水穀。乃不能納受者何也。此病由心脾所發耳。正以女子有不得隱曲之事。鬱之于心。故心不能生血。血不能養脾。始焉胃有所受。脾不能運化。而繼則漸不能納受。故胃病發于心脾也。由是水穀衰少。無以化精微之氣。而血脈遂枯。月事不能時下矣。王註謂腸胃爲病。心脾受之。何以謂心脾受腸胃之病。又以心血不流爲女子不月。脾味不化。爲男子少精。豈女子無關於脾。而男子無

關於心乎。况此節專爲女子而發。未論及男子。少精之義。學者
詳推之。

○女子不月。屬胃無生化之原論。

張景岳曰。二陽陽明也。爲胃與大腸二經。然大小腸皆屬于胃。
胃與心子母也。人之情慾本以傷心。母傷則害及其子。胃與脾
表裏也。人之勞倦本以傷脾。臟病則連于腑。故凡內而傷精。外
而傷形。皆能病及于胃。此二陽之病。所以發于心脾也。不得隱
曲。陽道病也。夫胃爲水穀氣血之海。主化榮衛而潤宗筋。陰陽
總宗筋之會。會于氣街。而陽明爲之長。然則精血下行生化之

本惟陽明爲最。今化源旣病。則陽道外衰。故爲不得隱曲。其在女子當爲不月也。

女子不月屬心脾少血論

李太素曰。經云。二陽之病發心脾。二陽指陽明經。胃與大腸也。此經乃水穀傳化之地。而心與脾實係之。蓋胃之下口通于小腸。上口胃不病。而小腸傳化。則心氣流通。而邪不歸心。大腸不病。而傳化。則飲食運行。而脾不勞力。今二陽旣病。則傳化不行。心脾烏得不病。故曰病發心脾。則精血不充。蓋精血一物也。上于心。而生于脾。在男子言精不言血。故曰少精而不得隱曲。在

女子言血不言精。故曰少血而不月。此心脾受病而然是月經不調之一端也。

○女子不月屬氣鬱不暢論

武叔卿曰。潔古云。瀉心火。養脾血。是從本文之義也。愚謂當從隱曲推解。人有隱情曲意。難以舒其衷。則氣鬱而不暢。不暢則心氣不開。脾氣不化。水穀日少。不能變化氣血。以入二陽之血。海血海無餘。所以不月也。傳爲風消者。陽明主肌肉。血不足則肌肉不榮。有不消瘦乎。風之名。火之化也。故當根不得隱曲上看。乃有木。

女子不月屬心脾胃三經受病論

李士材曰陽明爲二陽。胃傷而心脾受病者何也。脾與胃爲夫婦。夫傷則妻亦不利。心與胃爲子母。子傷則母亦不免。不得隱曲。陽事病也。胃爲水穀氣血之海。化榮衛而潤宗筋。厥論曰。前陰者宗筋之所聚。太陰陽明之所合。痿論曰。陰陽總宗筋之會。而陽明爲之長。故胃病則陽事衰也。女子不月者。心主血。脾統血。胃爲血氣之海。三經病而血閉矣。

慎齋按。已上八條。序女子不月證也。女子不月。自內經論二陽之病。發心脾。因集潔古以下諸家之論。以發明其經旨。大

約均主脾胃立論。獨叔卿一條作氣鬱解與諸家有異。

婦人經閉屬虛積冷結氣

金匱要略曰婦人之病因虛積冷結氣爲證。經水斷絕。至有歷年血寒積結胞門寒傷經絡三十六病千變萬端。

婦人經閉屬風冷客于胞門

齊仲甫曰婦人月事不來此因風冷客于胞門或醉以入房或因風墮墜驚恐皆令不通病源云血得溫則宣通得寒則凝泣若月水不來因冷于胃府或醉入房則內氣耗損勞傷肝經或吐衄脫血使血枯于中也。

○婦人月水不通屬津液減耗

王子亨曰婦人月水不通病本于胃胃氣虛不能消化水穀使津液不生血氣故也又云醉以入房則內氣竭絕傷肝使月水衰少所以爾者肝臟血勞傷過度血氣枯竭于內也又先吐血及吐血下血謂之脫血名曰血枯亦月水不來所以爾者津液減耗故也但益津液其經自下

慎齋按已上三條序婦人經閉屬於積寒風冷凝泣其血而月水爲之不通也

○婦人經閉屬火熱有上中下三焦之分

李東垣曰。經閉不行有三。婦人脾胃久虛。形體羸弱。氣血俱衰。以致經水斷絕。或因勞心。心火上。行月事不來。胞脈閉也。胞脈屬心。絡胞中。氣上迫肺。心氣不得下通。故不來。宜安心補血。瀉火。則經自行。此上焦心肺有熱而經不行也。或病中消。胃熱善饑。漸瘦。津液不生。夫經者血脈津液所化。津液既絕。爲熱所燦。肌肉漸瘦。時見燥渴。血海枯竭。名曰血枯。經絕宜瀉胃之燥熱。補益氣血。則經自行。此中焦胃有熱結而經不行也。或心包絡脈洪數。躁作時見大便閉。小便難。而經水閉絕。此血海乾枯。宜調血脈。除胞絡中火邪。則經自行。此下焦胞脈熱結而經不行也。

婁全善按潔古東垣治婦人血枯經閉之法皆主于補血瀉火補血用四物之屬瀉火東垣分上中下三焦如火在上則得于勞心治以芩連及三和之類火在中則善食消渴治以調胃承氣之類火在下則大小便難治以玉燭之類玉燭四物與調胃承氣是也三和四物與涼膈是也

濟陰綱自按東垣之論當有四證如胃熱胞絡熱勞心熱三證皆有餘宜瀉火養血是矣所言脾胃久虛致經水斷絕一證又當補脾胃爲三豈得捨而勿論蓋水入于經其血乃生穀入于胃脈道乃行水去榮散穀消衛亡况脾統諸經之血

而以久虛之脾胃致氣血俱衰者可不爲之補益乎。卽此以分虛實。明是四證無疑。全善乃遺補虛之一證。何也。

慎齋按經閉主干瀉心火。論本潔古而東垣則以熱結分上中下三焦。是月水不下。專以火熱爲病。藥用玉燭三和爲例。夫此方治勞心。心火上行。致胞脈閉塞。月事不來。是實熱也。若心虛而熱收于內。與心虛而土衰者。二方又未可妄用也。大約婦人經閉。由于陰虛火旺。日漸煎熬。津液乾涸。以致血枯經閉。當從趙養葵滋水補肝之法。純用三和玉燭。殊未盡善。若東垣三證。首言脾胃久虛一段。已見經水斷流。俱從脾

胃受病。濟陰綱目議全善之失。尤爲有見。

慎齋按已上一條。序婦人經閉。屬火邪熱結。而經不行也。夫經閉有寒有熱。金匱三條。主于風冷積寒。東垣潔古主于火熱實結。是皆指有餘之客邪爲病也。但寒熱二證。宜分內傷外感處治。如心火不下降。而三焦熱結。此是血衰火旺。陰不足以配陽。故心氣不通。熱結三焦。而經不下。當益陰滋水。以培化源。若用硝黃芩連。則失矣。如積冷血寒。凝結胞門。衝任脈寒。而血泣不下。是風冷客邪。乘虛襲人。宜溫經散寒。以大辛熱之藥。導血下行。後用養榮之劑。爲當也。

○○婦人經閉屬積痰礙滯

朱丹溪曰有婦人病瘧飲食少經脈不行診其脈兩手竝無時
寒月以虛寒治之四物加附子吳茱神曲丸與之予思處方妹
未當次早再求診視見其起居如常竝無倦怠驚曰前藥誤矣
經不行者非無血也爲痰所礙而不行也無脈者非血衰少而
脈絕也積痰生熱結伏而脈不見爾當作實熱治之用三花神
佑丸六脈俱出

婦人經閉屬痰塞胞門

朱丹溪曰有積痰下流干胞門閉塞不行用厚朴二陳湯又有

痰多占住血海因而不下者痰多血虛南星二木黃連川芎末
丸有肥人脂滿者導痰湯加川芎黃連不用地黃泥膈故也

○ 婦人經閉屬汚血凝滯胞門

莫全善曰婦人經閉有汚血凝滯胞門少腹疴痛有熱有寒如
熱而經閉者羅謙甫血極膏一味大黃爲末醋熬成膏治婦人
乾血氣大便利一二行經血自下是婦人之仙藥也仲景抵當
湯亦主婦人經水不利千金桃仁煎治血積月水不行若寒結
汚血而不下雲岐紅花當歸散怡婦人室女經候不行或積癥
血腰腹疼痛

慎齋按已上三條序婦人經閉屬于積痰汚血而致經水之不行是有餘之實邪爲病也宜導痰逐瘀爲主

女子不月爲血滯屬心氣不通

內照經曰女子不月血滯病也原其本則得之心氣不通故不治其血而治其心可也

月事不來屬胞脈閉心氣不下通

朱丹溪曰經云氣上迫肺則心氣不得下通而月事不來經云月事不來者胞脈閉也

婦人經閉本執着屬于血虛氣結

醫錄補遺曰婦人血海滿則行然婦人性情執着比之男子十倍雖有虛證宜補亦當以執着爲慮況月閉一證大半屬血虛氣結。

○婦人經閉屬于肝勞血傷

駱龍吉曰經云有病胸脇肢滿妨于食病至則先聞腥臊臭出清液先吐血四肢清目眩時時前後血病名曰血枯此年少時因大脫血或醉而人房虧損腎肝蓋肝藏血受天一之氣以爲滋榮其經上貫膈布脇肋若脫血失精肝氣已傷肝血枯涸不榮而胸脇滿妨于食則肝病傳脾而聞腥臊臭出清液若以肝

病而肺乘之則吐血四肢清目眩時時前後血出皆肝血傷之證也。

○○○婦人經閉屬心血虧腎水涸論

虞天民曰婦人百病皆自心生如五志之火一起則心火亦從而燔灼經閉不通之證先因心事不足心血虧耗故乏血以歸肝而出納之用已竭經曰母能令子虛是以脾不磨而食少所謂二陽之病發心脾者此也因食少故肺氣亦失所養而氣滯不行則無以滋腎陰況月水全賴腎水施化腎水既乏則經水日以乾涸或先或後淋漓無時若不早治漸至閉塞不通而

爲勞極之證不易治也

○○婦人經閉屬于心事不足思慮傷脾論

徐春甫曰心屬陽而主血脾裹血以行氣若月經不通未必不由心事不足思慮傷脾有所勞倦穀氣不輸肺金失養腎水無滋經血枯涸以致三五不調漸致閉絕虛損內熱骨熬勞瘵之證作而率難以治惟養心則血生脾健則氣布二者和則氣暢血行而調經之要至矣

○○婦人經閉宜審脾胃論

王節齋曰婦人女子經脈不行多有脾胃損傷而致不可便作

經閉死血。輕用通經破血藥。凡遇此證。須審其脾胃何如。若因飲食勞倦。損傷脾胃。少食泄瀉疼痛。或因悞服汗下攻剋藥。傷其中氣。以致血小不行。只用健脾胃藥。脾旺則生血。而經自行。又有飲食積滯。致損脾胃。亦宜消積補脾。若果脾胃無病。有血塊凝滯。方用行血通經之劑。

慎齋按。已上七條。序婦人經閉。屬于內傷不足之病也。經閉有心氣不通。有血虛結氣。有肝傷腎竭。脾傷皆足。致經閉。此爲內傷虛證。而與前條風冷寒凝。火邪熱結。積痰汚血爲病者。有餘不足。各自不同也。

婦人經閉有血滯血汚之分

李氏曰婦人以血爲主。天真氣降。壬癸水合。腎氣全盛。血脉流行。嘗以三旬一見。以象月盈則虧。故日月經行與產後一般。若其時有餘血一點未淨。或被風寒溼熱暑邪。或內傷生冷。七情鬱結爲痰爲瘀。凝積于中。曰血滯。或經止後用力太過。入房太甚。及服食燥熱。以致火動。則邪氣盛而津液衰。曰血枯。

婦人經閉血滯血枯有諸變證

陳良甫曰。經後被驚。則血氣錯亂。妄行逆于上。則從口鼻出。逆于身。則血水相搏。變爲水腫。恚怒則氣血逆于腰腿心腹背脇。

手足之間重痛。經行則發。過期則止。怒極傷肝。則有眩暈嘔血。瘰癧血氣瘡瘍等病。加之經血滲漏。遂成竅血。生瘡淋漓不斷。淫熱相傳。爲崩滯。宜結于內。變癥瘕。凡此變證百出。不過血滯與血枯而已。重則經閉不通。輕則經水不調。不止虛與熱二者也。

○○○經閉血滯血枯有虛熱痰氣之四證

葉以濟曰。血滯血枯。不越虛熱痰氣四證而已。血滯亦有虛熱。血枯亦有虛熱。故滯者不宜過于宣通。通後又須養血益陰。使津血流通。血枯亦不可峻行補益。恐本主無力。而辛熱之劑反

燥精血矣

經閉血枯與血隔之證不同

張景岳曰。肝病血傷。證與血隔相似。皆經閉不調之候。然枯之與隔。有如冰炭。枯者竭也。血虛極矣。隔者隔阻也。血本不虛。而或氣或寒。或積有所逆也。隔者病發于暫。其證或痛或寔。通之則行而愈。苦枯者其來也。衝衝在內。竭其證無形。夫血既枯矣。宜補養陰氣。使血自充。如用桃紅硝黃稷蓬。反加剋伐。則枯者愈枯。斃可立俟也。

○○○經閉血滯宜破血枯宜補論

陳良甫曰血滯經閉宜破者原因飲食毒熱或暴怒凝瘀積痰直須大黃乾漆之類推陳致新俾舊血消而新血生也若氣旺血枯起于勞役憂思自宜溫和滋補或兼有痰火溼熱尤宜清之涼之每以肉桂爲佐者熱則血行也但不可純用峻藥以虧陰道調和飲食自然血氣流通苟不務充養氣血惟以毒藥攻之是求千金于乞丐必死而後已也

慎齋按已上五條序婦人經閉有血滯血枯二證之辨也血滯爲有餘有餘者宜瀉卽前條金匱以下所論風冷火熱積痰汚血所感而成也血枯者爲不足不足者宜補卽前條內

照以下所論心氣不足。血虛肝傷。脾衰腎涸。以漸而致也。滯與枯之因。不外此數端。而調經者。可以類通之矣。

室女經來復斷爲避年

王叔和曰。有婦人將一女子年十五。來診。言十四時。經水自下。今經反斷。何也。師曰。若是夫人親女。必夫人年十四時。亦以經水下。所以斷。此爲避年。後當自下。此真氣猶怯。稟賦素弱而然也。宜固天元真氣。使水升火降。則五臟自和。而經脈自通矣。

○室女月水不通。屬任脈爲風寒相搏。

聖濟總錄曰。女子二七天癸至。任脈通。月事以時下。若稟受不

足或任脈爲風寒所搏致令風氣凝結不能應時而下經久不治則致勞疾不可行破血猛性之藥宜通心氣行榮衛滑經絡

○室女經脈斷續爲血脈未充

戴復庵曰有少女經脈已行一二次復至一二年又不行或有四季一行或有三五復至此本血脈柔弱未充故經脈斷續宜順氣養血氣血旺自通勿攻之

○室女經閉成勞屬于積想過度

寇宗奭曰人生以血氣爲本人病未有不先傷氣血者若室女童男積想過度多致勞損男子則神色消散女子則月水先閉

蓋憂愁思慮則心傷而血竭。且心病則不能養脾。故不嗜食。脾虛則金虧。故發嗽。腎水絕則水氣不榮。而四肢乾痿。故多怒。不可用青蒿、蚤虫等涼血行血。宜柏子仁丸、澤蘭湯益陰血以制虛火也。

室女經閉成勞屬于飲食不節

產寶曰：經脈不通日久。此非細事。實爲重病。若是室女。初因貪食酸鹹之物。遂致血脈乾涸。變成勞疾。

室女經閉爲死候

危氏曰：女子二七天癸至，七七天癸竭，行早性機巧，行遲性魯。

鈍通行則陰陽和合始能有子若年十四至二十歲不行命如風燭朝不保暮有病發則死間有不死百無一二亦一生多病然有四季行有一年一次者或一生不循經度而行者晚年有癖疾則難治

慎齋按已上六條是序室女經閉之證也。室女經閉與婦人經閉不同。室女經閉非先天元氣弱血氣未充。卽是欲男子不得所願不遂。思慮傷心。鬱抑傷肝。以致月水閉而成病。故凡寡婦師尼。犯經閉者。當與此同法。惜前人未之論及也。

婦人天癸過期不止屬血有餘

許叔微曰婦人天癸已過期經脈不勻或三月四月不至或一月再至腰腹疼痛經云七損八益謂女子七數盡而經不依時者血有餘也不可止之但令得依時不腰痛爲善宜服當歸散

婦人經水當止不止屬邪氣攻衝

產寶百問曰男子生于寅寅屬木陽中有陰故男子得八數女子生于申申屬金陰中有陽故女子得七數男以氣爲主八八則卦數已盡盡則陽精痿女以血爲主七七則卦數已終終則經水絕衝任虛衰天癸絕而地道不通而無子或勞傷過度喜怒不時經脈衰微之際又爲邪氣攻衝則當止不止而復下

婦人年過期經行屬敗血

李時珍曰婦人年過五十而經行不止者作敗血論又婦人四十九後天癸當止不止每月却行或過多用條芩二兩醋浸七日炙乾又浸七次爲末醋丸空心溫酒下名芩心丸

慎齋按已上三條序婦人天癸過期而有經行之病也一主于有餘一主于邪傷一主于敗血敗血卽屬崩漏當以人之稟賦強弱參之

婦人月水不斷屬衝任氣虛

聖濟總錄曰女人以衝任二經爲經脈之海手太陽小腸之經

與手少陰心經此二經相爲表裏主下爲月水若勞傷經脈則衝任氣虛衝任既虛則不能制其氣血故令月事來而不斷也。

○婦人月水不斷屬外邪客于胞內

陳良甫曰婦人月水不斷淋漓腹痛或因勞損氣血而傷衝任或因經行而合陰陽以致外邪客于胞內滯于血海故也若氣虛不能攝血但養元氣病邪自愈攻其邪則元氣反傷矣。

慎齋按已上二條序婦人月水宜止而不止也婦人經行每月一至如潮之來故日月信若每月既至或三日或四五日即應止而復淋漓不斷非衝任氣虛不能約制爲內傷不足

卽勞傷氣血外邪客胞而外感有餘有餘不足當叅以人之強弱也。

婦人經水清血爲居經

王叔和曰婦人年五十數一朝而清血二三日不止何以治之師曰此婦人前絕生經水不止今反清血此爲居經不須治當自止經水下常五日者五日愈

婦人經水三月一來名居經

王叔和曰脈微血氣俱虛年少者亡血也乳子下利爲可否者此爲居經三月一來師曰寸口脈微而澁微則衛氣不足澁則

血氣無餘。衛不足其息短。其形躁。血不足其形逆。榮衛俱虛。語
言謬戾。跌陽脈浮而濇。濇則衛氣虛。虛則短氣。烟燥而口苦。胃
氣溢則失液。小陰脈微而遲。微則無精。遲則陰中寒。濇則血不
來。此爲居經。三月一來。

婦人月水行期有不一候

李時珍曰。女子陰類也。以血爲主。其血上應太陰。下應海潮。月
有盈虧。潮有朝夕。月事一行。與之相符。故謂之月水。月信。月經
經者常也。天癸者天一生水也。邪術家謂之紅鉛。謬名也。女人
之經。一月一行。其常也。或先或後。或通或塞。其病也。有行期只

吐血衄血或眼耳出血是謂倒經逆行有三月一行者是謂居經有一年一行是謂避年有一生不行而受胎者是謂暗經有受胎之後月月行經而產子者是謂胎盛俗名垢胎有受胎數月血忽大下而胎不墮者是謂漏胎此雖以氣血有餘不足言而亦異常矣。

慎齋按已上三條序婦人經行不一也。婦人經水一月一行其常也。而外則有居經。有避年。有倒經。有暗經。有垢胎。有漏胎之證。凡此皆經候不調之故也。

婦人月水不通有因諸證所致

聖濟總錄曰。婦人月水不通。所致不一。有氣不化。血微不通。有先期太過。後期不通。有大病後熱燥不通。有凝寒結滯不通。有積聚氣結不通。有心氣抑滯不通。凡此所受不同。治之亦異。女人假血爲本。以氣爲用。血氣稽留則溢而不行。其爲病或寒或熱。或臍腹堅痛。或久肉消瘦。肌不治則爲勞瘵之證。

婦人月水不調成病

產寶方曰。大率治病先論其所主。男子調其氣。女子調其血。氣血人之神也。不可不謹調護之。然婦人以血爲本。氣血宣行。其神自清。所謂血室不蓄。則氣血凝結。而水火相刑。月水如期。謂

之月信其血不來則因風熱傷于經血故血不通或外感風寒內受邪熱脾胃虛弱不能飲食食既不充營衛抑遏肌膚黃燥面無光澤時作寒熱腹脹作痛難于子息子藏冷熱久而勞損必挾帶下便多淋瀝忽致崩漏經云腹中如塊忽聚忽散其病爲癥血澗不流而搏腹脹時作寒熱此乃成痕或先後期雖通而或多或少究病之原蓋本于此

○ 婦人月經不行成諸病

葉以潛曰婦人經病內因憂思忿怒鬱結不行外因飲冷形寒惡露凝滯此不調不通作痛發熱所由也治者調其氣而破其

血開其鬱而補其虛涼血清熱治血病以行氣爲先香附之類是也熱則流通寒則堅凝須以熱藥爲佐肉桂是也又有月經不行四肢發腫者屬瘀血滲入脾經也宜辛溫以導之又有月經上行口鼻者是火載血上氣之亂也四物加梔子黃連丹皮犀角

慎齋按已上三條序婦人經不行致病也婦人有因病而致經不調者有因經不調而致諸病者皆宜分別詳審處治

婦人經來行房成癩疾

王叔和曰問曰婦人病如癩疾鬱冒一日二十餘發師脈之反

言帶下皆如師言其脈何類何以別之師曰寸口脈濡而緊濡則陽氣微緊則榮中寒陽微衛氣虛血竭凝寒陰陽不和邪氣合于榮衛疾起年少時經來以合房室移時過度精感命門開經下血則虛虛則百脈皆張中極感陽動微風激成寒因虛合于榮衛令積于丹田發動上衝奔在胸膈津液掩口涎唾溢出口胃狀如厥氣衝髀裏熱粗醫名爲癩炙之因大劇

婦人月水行房病伏梁

陳藏器曰一犯月水行房精血相射入于任脈留于胞中以致小腹結病病如伏梁水瀦頻澁是名積精婦人閨房有三禁此

其一也

婦人經來交合成經漏

原病集曰有婦人月經來時交合陰陽致傷血絡多成經漏淋
滴俗云血沙淋是也治當調和血氣使臟腑和平經自止矣

慎齋按已上三條序婦人經行而交合致有癩冒伏梁經漏
之三證也凡婦人經行血海淨盡而交合則精凝血聚可以
成胎若經適來而不禁房室則敗血不出積精相射致有諸
證此人之最易犯者醫者審察病機不可不曉

慎齋按已上自褚侍中合之非時一論至此其條序分十七

段皆屬經候不調之故以下始序治調經之大法

○○○調經莫先于去病論

李氏曰婦人月水循環纖疴不作而有子若兼潮熱腹痛重則咳嗽汗嘔或瀉有潮汗則血愈消耗有汗咳嘔則氣往上行瀉則津偏于後痛則積結于中是以必先去病而後可以滋血調經就中潮熱疼痛尤爲婦人常病蓋血滯積入骨髓便爲骨蒸血滯積瘀與日生新血相搏則爲疼痛血枯不能滋養百骸則蒸熱于內血枯胞絡火盛或挾痰氣食積寒冷則爲疼痛凡此諸病皆阻經候不調必先去其病而後可以調經也

○○○經候不調不通有分因詳證治病之法論

方氏曰婦人經病有月候不調者有月候不通者然不調不通中有兼疼痛者有兼發熱者此分而爲四也細詳之不調中有躡前者有退後者躡前爲熱退後爲虛不通中有血枯者有血滯者血滯宜破血枯宜補也疼痛中有常時作痛者有經前經後作痛者常時與經前爲血積經後爲血虛也發熱中有常時發熱者有經行發熱者常時爲血虛有積經行爲血虛而有熱也是四者之中又分爲八矣人之氣血周流忽有憂思忿怒則鬱結不行經前產後忽遇飲冷形寒則惡露不盡此經候不調

不通作痛發熱所由作也大抵氣行血行氣止血止故治血病以行氣爲先香附之類是也熱則流通寒則凝塞故治血病以熱藥爲佐肉桂之類是也

慎齋按婦人有先病而後致經不調者有因經不調而後生諸病者如先因病而後經不調當先治病病去則經自調若因經不調而後生病當先調經經調則病自除李氏一論可謂調經之要然偏而不全予故補其未盡之旨若方氏分因詳證誠得統論調經大法

○調經先以順氣爲主論

濟生方曰經云百病皆生于氣。有七氣有九氣。喜怒哀憂思悲恐
驚七氣也。益之以寒熱爲九氣。氣之爲病。男子婦人皆有之。惟
婦人之氣爲尤甚。蓋人身血隨氣行。氣一滯則血爲氣併。或月
事不調。心腹作痛。或月事將行。預先作痛。或月事已行。淋瀝不
斷。或作寒熱。或爲癥瘕。或疼痛連腰脇。或引背脊。上下攻刺。吐
逆不食。肌肉消瘦。非特不能受孕。久不治轉爲勞瘵者。多是皆
氣之爲病也。故調經養血。莫先以順氣爲主。

○○○調經養血莫先于調氣論

汪石山曰婦人屬陰。以血爲本。但人肖天地。陰常不足。婦人加

乳哺月經之耗是以婦人血病者多。夫月經者津液血脈所成。荷榮衛和經候自然應期。如月之盈虧不先常度。故曰月經。苟氣血一忤則或先或後。多寡不勻。或閉絕不行而百病生。必須分因而治。如真水虧敗陽火內熾。血海枯竭經絕不通者宜補。養陰血則經自行。如寒客胞門子戶凝泣血不通爲癥瘕之候者宜散寒逐瘀則經自行。但血乃氣之配。其升降寒熱虛實一從乎氣。是以氣熱則血熱而色紫。氣寒則血寒而色疑。氣升則血逆而上出。氣陷則血隨而下崩。此調經莫先于養血。養血莫先于調氣也。

○○調經以開鬱行氣爲主論

方約之曰婦人以血用事氣行則無病故古人治婦人病多用香附砂仁木香青皮枳殼者行氣故也凡婦人病多是氣血鬱結故治以開鬱行氣爲主鬱開氣行而月候自調諸病自瘥矣

○調經不可專耗其氣論

葉以潛曰女子經候不調多主耗氣益血之說但血爲氣配氣熱則熱氣寒則寒氣升則升氣降則降氣行則行氣滯則滯如果鬱人氣盛于血而致經不調者力可單用香附丸抑氣散加木香檳榔以開鬱行氣若氣亂則調氣冷則溫氣虛則補男女

一般陽生則陰長氣衰則血亦弱豈可專耗其氣但其間有夫婦不和婢妾志不得伸常有鬱氣而致經水不調又當審順逆以治之而已

○○調經不可耗氣宜養心實脾論

羅周彥曰婦人得陰柔之體以血爲本陰血如水之行也陽氣若風之旋天故風行則水動陽暢則血調此自然之理也攷古方耗氣以調其經夫太衝者氣也任脈者血也氣升則升氣降則降血隨氣行若獨耗其氣血無所施正氣旣虛邪氣必勝而百病生焉經安得調乎况心生血脾統之胃爲衛之元養其心

則血生實其脾則血足氣勝則血行安可獨耗其氣此調經之至要也行經之時當戒暴怒怒則損其衝任遠房室多慾則傷其血海一有抑鬱宿血必停走于腰脇注于腿膝遇新血相搏則疼痛不已散于四肢則麻木不仁入于血室則寒熱不定皆四氣七情之所致也。

慎齋按已上五條序調經之法莫先于順氣開鬱而順氣開鬱則又戒不可端耗其氣當以實脾養心爲調經之要法也。經云百病皆生于氣而于婦人爲尤甚婦人之病先于經候不調但婦人以血用事經水雖屬血病若竟從血分求療未

得病機之要者也。若從氣分求責而調經知所本矣。

調經不可誤藥當養氣益血論

初虞世曰：女子十四天癸至，任脈通，月事以時下，其來不可過與不及，多與少，反此皆謂之病，不行尤甚，百疾生焉。血既不能滋養百體，則髮落面黃，身羸血虛，則發熱而水不足，則燥氣燔燥氣燔，則金受邪。金受邪，則肺家嗽，嗽則咳血吐血之病成矣。醫見經不行，用蠶虫水蛭行血藥，見熱則用除熱諸寒藥，經水枯竭，無以滋養，其能行乎？但服養氣益血諸藥，天癸自行也。又有一種婦人盛實，月經瘀閉，利之則行，自有證候。

○○○調經以滋水爲主不須補血論

趙養葵曰。或問論調經以滋水爲主。不須補血。何也。曰。經云。女子二七而腎氣盛。齒更髮長。天癸至。任脈通。太衝脈盛。月事以時下。天者。天一之真。癸者。壬癸之水。月者。水之精。以一月而盈。盈則昃。女人經水一月以時而下。能有子。不以時下。或過期。或不及。皆爲病。病則不能有子。所以必須調經。調經必須滋水爲主。又問曰。同一紅色。非血而何。曰。女人系胞之所。而養經之處。養之一月而行。行則虛矣。以時交感。以虛而受人。若有孕。此水卽以養胎。不月矣。一生子。此水卽化爲乳。而不月。乳之色白也。

何謂血乎。至四十九而天癸絕。其所絕者。天癸水也。其流行之血。不見其虧。故不須四物湯補血。必以六味丸滋水。滋水必兼補血。補血兼不得滋水。何也。蓋血乃後天飲食入胃。游溢精氣而成。以爲流行之用。若經水乃衝任所主。人身中有奇經八脈。俱屬腎經無形之脈。其衝任者。奇經之二。其脈起胞中。爲經脈之海。與手太陽手少陰爲表裏。上爲乳汁。下爲月水。女人獨稟此水。以爲生生之原。與男子二八之精。同炁。從天一之源而來。精則一月而滿。滿則溢。似血而實非血也。

○○調經滋水必兼養火論

趙養葵曰衝任起于胞中。男子藏精。女子系胞。其間又恃一點命門之火爲之主宰。火旺則紅。火衰則淡。火太旺則紫。火太衰則白。所以滋水更當養火。甚有乾涸不通者。雖曰火盛之極亦不宜以苦寒之藥降火。只宜大補其水。從天一之源以養之。使滿滿則益萬無有。毒藥可通之理。此調經之法類如此。

慎齋按已上三條序調經莫如養血。而養血莫如滋水養火。此趙氏即鄧遺稿獨發前人所未發也。

○調經以大補脾胃爲主論

陳良甫曰婦人以血爲主。脾胃虛弱不能飲食。榮衛不足。月經

不行寒熱腹痛或崩帶證皆脾胃不足所生病故婦人月水不通或因勞役過度或因失血傷損肝脾但滋化源其經自通若小便不利苦頭眩腰背痛足寒時痛久久血結于內變爲癥瘕若血水相併脾胃虛弱壅滯不通變爲水腫若脾氣衰弱不能制水水漬肌肉變爲腫滿當益其津液大補脾胃爲主

○ 調經必審脾氣生化之源論

武叔卿曰脾氣化液而生血卽水入于經其血乃生之意此榮出中焦也故曰生化之源心統血者脾氣化液入心而變爲血故雖心之所主亦賴脾氣化生此婦人經血不調必審脾氣化

生之源而健脾爲調經之要也。

○調經宜補養脾胃爲先論

何松菴曰、乾道成男、坤道成女、女以坤道用事、故治婦人以陰血爲主、女子二七天癸至、陰氣盛、盛則溢洩、此自然之理也。若稟性旺、則不及二七而至、弱則踰二七而至、凡治此證、當察脾胃何如、女子月事不調、因脾胃傷損、不能生血所致、須以補養脾胃爲先、脾旺則能統血、而經自行、切不可遽用攻剋之劑、傷其中氣、則愈不調矣。

慎齋按、已上二條、序調經以補養脾胃爲大法也。趙養葵二

條調經主于滋水是補先天真一之源也。陳良甫以下三條調經主于補土是培後天元氣之本也。固腎扶脾此爲調經要道。學者審之。

治女子經脈不行有三法

楊仁齋曰女子經脈不行有三。一則血氣盛實。經絡遏閉。其脈滑實。治當通經疎利。一則風冷外傷。七情內賊。以致經絡痺滯。其脈浮濇。治之當解風散冷。去瘀滌熱。一則形體憔悴。經絡涸竭。其脈虛弱。治當滋養氣血。

慎齋按已上一條。序調經之法。兼有餘不足。外感內傷處。治

女子經行宜謹

陳良甫曰女子二七而天癸至，經血漸盈，應時而下，名曰月信。若遇經行最宜謹慎，否則與產後證相類。若被驚怒勞役，則血氣錯亂，經脈不行，多致勞瘵等證。若逆于頭而肢體之間，則重痛不寧。若怒氣傷肝，則頭暈脇痛，嘔血癩癧。若經血內滲，則竅穴淋瀝。凡此六淫外侵，變證百出，犯時微若秋毫，成患重于泰山，可不畏哉。

女子病臨醫宜自說

孫真人曰：凡女子十四已上，則有月事。月事來時，得風冷溼熱。

四時之病相協者皆自說之不爾與治誤相觸動更增困處方者亦應問之。

看婦人病先問經期

寇宗奭曰凡看婦人病入門先問經期。

婦人室女諸病須問經事

彭用光曰凡婦人室女病傷寒及諸寒熱氣滯須問經事若何。

治病婦當先問娠

張戴人曰凡治病婦當先問娠不可倉猝凡看婦人病脈不可純用破氣行血之藥恐有娠在疑似間也。

治婦人病令寬思慮

葛仙翁曰。凡治婦人諸病。兼治憂恚。令寬其思慮。則病無不愈。慎齋按。已上六條。序女子經行宜謹。不可輕忽。以致成病。而并戒醫者。治婦人之病。不可不問經。問娠爲要也。若病者諱而不言。醫者略而不問。勢必處治乖方。兩致其誤。可不戒哉。

婦人之病源難療

千金方曰。婦人之病。比之男子。十倍難療。經言婦人者。衆陰所聚。常與溼居。十四已上。陰氣浮溢。百想經心。內傷五臟。月水去。留前後交互。瘀血停凝。中道斷絕。其中傷墮。不可具論。或便利。

于懸厠之上。風從下入。便成十二痼疾。婦人所以別立方也。然
女人嗜慾多于丈夫。感病產于男子。加以愛憎疾妒。所以爲病
根。曜療之難瘥也。

慎齋按已上一條。序婦人病之難療也。

婦人月水不利之脈

脈經曰。尺脈滑。血氣實。婦人經脈不利。尺脈來而斷絕者。月
水不利。寸關如故。尺脈絕不至者。月水不利。當患少腹痛。
肝脈沉。月水不利。主腰腹痛。

女科經綸卷一

終

女科經綸卷二

樵李蕭 壘賡六纂著

男

鉉律黃 李含漢南溟

全校

葛金聲秋音一顧一灵石霞

徐 彬忠可 朱光調梅臣 陳聖謨石經

全叅訂

禾郡

程 林雲來 周士標楚翹 沈煬翔欽遠

徐 躍道魚 姚 嵩方宋

嗣育門

經論男女有子本于腎氣之盛實

素問曰女子七歲腎氣盛齒更髮長二七而天癸至任脈通太衝脈盛月事以時下故有子七七任脈虛大衝脈衰小天癸竭地道不通故形壞而無子丈夫八歲腎氣實齒更髮長二八腎氣盛天癸至精氣溢瀉陰陽和故能有子八八則齒髮去五臟皆衰筋骨懈隨天癸盡矣故髮鬢白身去行步不正而無子慎齋按已上經論一條序男女有子本于天癸至而腎氣盛實之候也昔人論種子必先調經故婦人調經一門之後卽繼以嗣育之道若良方與濟陰綱目序調經經閉證後遂使人遂于血崩帶下與中風諸疾未免序次不倫矣

合男女必當其年欲陰陽之完實

褚澄曰合男女必當其年男雖十六而精通必三十而娶女雖十四而天癸至必二十而嫁皆欲陰陽完實然後交而孕孕而育育而爲子堅壯強壽今未笄之女天癸始至已近男色陰氣早洩未完而傷未實而動是以交而不孕孕而不育育而子脆不壽

求子在陰陽之形氣寓論

聖濟經曰天地者形之大也陰陽者氣之大也惟形與氣相資而立未始偏廢男女媾精萬物化生天地陰陽之形氣寓焉語

七八之數七少陽也八少陰也相感而流通故女子二七天癸至男子二八而精通則以陰陽交合而兆始故也

求子須知先天之氣論

胡孝曰男女交媾其凝結成胎者雖不離精血猶爲後天滓質之物而一點先天之氣萌于情慾之感者妙合于其間朱子所謂稟于有生之初悟真篇所謂生身受氣初者是也醫之上上因人無子語男則主于精語女則主于血著論立方男子以補賢爲要女子以調經爲先又叅以補氣行氣之說察其脈絡究其盈虧番而治之然後一舉可孕也

○○求子之脈貴和平論

陳楚良曰、人身氣血各有虛實寒熱之異。惟察脈可知。舍脈而獨言藥者妄也。脈不宜大過而數數則爲熱。不宜不及而遲遲則爲寒。不宜太有力而實實者正氣虛而火邪乘之以實也。治法當散鬱以伐其邪。邪去而後正可補。不宜大無力而虛虛乃氣血虛也。治法當補其氣血。又有女子氣多血少寒熱不調月水違期皆當診脈。而以活法治之。務使夫婦之脈和平有力。交合有期。不妄用藥。乃能生子也。

慎齋按已上四條序嗣育之道必陰陽完實形氣相資兆始

千先天有生之初而再診以脈之和平始可有子也。

○ ○ 種子必保養心腎二臟論

王宇泰曰嚴冬之後必有陽春是知天地之間不收敛則不能發生自然之理也。今人既昧收藏之理縱慾竭精以耗真氣及其無子既云血冷又謂精寒燥熱之劑投而真陰益耗矣安得而有子大抵無子之故不獨在女亦多由男房勞過度施洩過多精清如水或冷如冰及思慮無窮皆難有子蓋心主神有所思則心馳于外致君火傷而不能降腎主智有所勞則智亂于中俾腎虧而不能升上下不交水火不媾而能生育者無有也。

○ ○ 種子有聚精之道五論

袁了凡曰聚精之道一曰寡慾二曰節勞三曰息怒四曰戒酒
五曰慎味腎爲精之府凡男女交接必擾其腎腎動則精血隨
之而流外雖不洩精已離宮未能堅忍者必有真精數點隨陽
虞而溢出此其驗也故貴乎寡慾精成于血不獨房室之交損
吾之精凡日用損血之事皆當深戒如目勞于視則血于視耗
耳勞于聽則血以聽耗心勞于思血以思耗隨事節之則血得
其養而與日俱積矣故貴乎節勞主閉藏者腎也司疎泄者肝
也二臟皆有相火其系上屬于心心君火也怒則傷肝而相火

動動則疎洩用事。閉藏不得其職。雖不交合。亦暗流潛耗矣。故
貴乎息怒。人身之血。各歸其舍。則常凝。酒能動血。人飲酒則面
赤。手足俱紅。是擾其血也。血氣既衰。之人數月無房事。精始厚
而可用。使一夜大醉。精隨薄矣。故宜戒酒。經云。精不足補以味。
濃郁之味。不能生精。惟恬淡者能補精耳。蓋萬物皆有真味。調
和勝真味。衰矣。不論腥素。淡煮得法。自有一段冲和恬淡之氣。
益人腸胃。洪範論味。而曰稼穡作甘。世物惟五穀得味之正。但
能淡食。穀味最能養精。如煮粥飯中。有厚汁滾作一團者。此米
之精液所聚。食之最能主精。故宜慎味。

種子之道有四

王宇泰曰。種子之道有四。一曰擇地。地者母血是也。二曰養種。種者父精是也。三曰乘時。時者精血交感之會合也。四曰投虛。虛者去舊生新之初是也。

種子必知絪縕之時候

袁了凡曰。天地生物。必有絪縕之時。萬物化生。必有樂育之候。貓犬至微。將受娠也。其雌必狂呼而奔跳。以絪縕樂育之氣。觸之不能自止耳。此天然之節候。生化之真機也。凡婦人一月經行一度。必有一日絪縕之候。干一時辰間。氣蒸而熱。昏而悶。有

欲交接不可忍之狀。此的候也。此時逆而取之。則成丹。順而施之。則成胎矣。

慎齋按。已上四條。序種子之道。有保養聚精乘時之法也。夫保養聚精乘時之法。在男子之調攝。然亦有男子盡其法。而終身不育者。其咎不在男子之不得其法。而在女子之必有其故也。故以婦人不孕。序之干後。

○婦人無子。屬衝任不足。腎氣虛寒。

聖濟總錄曰。婦人所以無子。由衝任不足。腎氣虛寒。故也。內經謂女子二七天癸至。任脈通。太衝脈盛。陰陽和。故能有子。若衝

任不足腎氣虛寒不能繫胞故令無子亦有本干夫病婦疾者當原所因調之

婦人不孕屬風寒襲干子宮

繆仲淳曰女子繫胞干腎及心胞絡皆陰臟也虛則風寒乘襲子宮則絕孕無子非得溫煖藥則無以去風寒而資化育之妙惟用辛溫劑加引經至下焦走腎及心胞散風寒煖子宮爲要也

婦人不孕屬衝任伏熱真陰不足

朱丹溪曰婦人久無子者衝任脈中伏熱也夫不孕由于血少

血少則熱其原必起于真陰不足真陰不足則陽勝而內熱內熱則榮血枯故不孕益陰除熱則血旺易孕矣脈訣曰血旺易胎氣旺難孕是也。

婦人不孕屬陰虛火旺不能攝精血

繆仲淳曰女子血海虛寒而不孕者誠用煖藥但婦人不孕亦有陰虛火旺不能攝受精血又不可純用辛溫藥矣

婦人不孕屬血少不能攝精

朱丹溪曰人之有胎陽精之施也陰血能攝之精成其子血成其胞胎孕乃成今婦人無子率由血少不足以攝精也血少固

非一端。然欲得子者，必須補其精血，使無虧欠，乃可成胎孕。若泛用秦桂丸之劑，薰戕臟腑，血氣沸騰，禍不旋踵矣。又曰：瘦弱婦人，性躁多火，經水不調，不能成胎，以子宮乾澁，無血不能攝受精血故也。益水養陰宜大五補丸，增損三才丸，加減以養血主之。東垣有六味丸補婦人陰血不足，無子服之能胎孕。

婦人不孕戒服秦桂丸熱藥論

朱丹溪曰：無子之因多起于婦人，醫者不求其因起于何處，遍閱古方，惟秦桂丸用溫熱藥，人甘受燔灼之禍而不悔，何也？或曰：春氣溫和，則萬物發生；冬氣寒冽，則萬物消隕。非秦桂溫熱

何以得子。臟溫煖成胎。予曰。婦人和平則樂有子。和則氣血勻。平則陰陽不爭。今服此藥。經血必紫黑。漸成衰少。始則飲食漸進。久則口苦而乾。陰陽不調。血氣不和。病反蜂起。以秦桂丸耗損真陰。故也。戒之。

按秦桂丸爲婦人子宮虛寒積冷不孕者設。若血虛火旺真陰不足。不能攝精者服之。則陰血反耗而燥熱助邪矣。慎齋按己土六條序。婦人不孕有虛寒伏熱。預成則少。此不足之病也。

婦人不孕屬于實交則非

張子和曰有婦人年三十四夢與鬼交及見神堂陰司舟楫橋梁如此一十五年竟無妊娠此陽火盛于土陰水盛于下見鬼神者陰之靈神堂者陰之所舟楫橋梁水之用兩手寸脈皆流而伏知胸中有寔痰也凡三湧三泄三汗不旬日而無夢一月而有娠

婦人不孕屬脂膜閉塞子宮

朱丹溪曰婦人肥盛者多不能孕育以身中有脂膜閉塞子宮致經事不行瘦弱婦人不能孕育以子宮無血精氣不聚故也肥人無子宜先服二陳湯四物去生地加香附久服之尤更妙

婦人不孕屬濕痰閉子宮

朱丹溪曰肥盛婦人稟受甚厚恣于酒食經水不調不能成孕以軀脂滿溢濕痰閉塞子宮故也宜燥濕去痰行氣二陳加木香二朮香附芎歸或導痰湯

婦人不孕屬干積血

陳良甫曰婦人有全不產育及二三十年斷絕者盪胞湯上之日三服夜一服溫覆汗必下積血及冷赤膿如豆汁力弱大困者一二服止

婦人不孕分肥瘦有痰與火之別

曰松菴曰有肥白婦人不能成胎者或痰滯血海子宮虛冷不能攝精尺脈沉滑而遲者當溫其子宮補中氣消痰爲主有瘦弱婦人不能成胎者或內熱多火子宮血枯不能凝精尺脈洪數而浮者當滋陰降火順氣養血爲主

慎齋按已上五條序婦人不孕有痰飲積血脂膜爲實邪有餘之病也

婦人不孕病情不一論

薛立齋曰婦人不孕亦有六淫七情之邪傷衝任或宿疾淹留傳遺臟腑或子宮虛冷或氣旺血衰或血中伏熱又有脾胃虛

損不能榮養衝任。更當審男子形質。何如有腎虛精弱不能融育成胎。有稟賦原弱。氣虛血損。有嗜慾無度。陰精衰憊。各當求原而治。至大要則當審男女尺脈。若右尺脈細或虛大無力。用八味丸。左尺洪大按之無用。用六味丸。兩尺俱微細或浮大。用十補丸。若誤用辛熱燥血。不惟無益。反受其害矣。

慎齋按已上一條。序不孕之理。兼男女病情而論之也。

成胎以精血先後分男女

褚氏遺書曰。男女之合。二情交暢。陰血先至。陽精後充。血開裏精。精入爲骨。而男形成。陽精先入。陰血後參。精開裏血。血入居

本而女形成

成胎以左右陰陽之氣動分男女

聖濟經曰天之德地之氣陰陽至和流薄一體因氣而左動則屬陽陽資之則成男因氣而右動則屬陰陰資之則成女易稱乾道成男坤道成女此男女之別也

成胎以日數精血之勝分男女

李東垣曰經水斷後一二日血海始淨精勝其血感者成男四
五日後血脈已旺精不勝血感者成女至六七日後雖交感亦
不成胎

成胎以子宮之左右分男女

朱丹溪曰、易云乾道成男、坤道成女。夫乾坤陰陽之性情也。左
右陰陽之道路也。男女陰陽之儀象也。父精母血因感而會精
之洩、陽之施也。血能攝精、精成其骨、此萬物之資始于乾元也。
血之行也。精不能攝血、成其胞、此萬物之資生于坤元也。陰陽
交媾、胚胎始凝。胎所居各曰子宮、一系在下、上有兩岐、一達于
左、一達于右。精勝其血、則陽爲之主、受氣于左子宮而男形成。
精不勝血、則陰爲之主、受氣于右子宮而女形成。孕成而始化
胞也。

成胎以先天之陰陽相勝分男女

馬立臺曰、男子先天之氣方父母媾精時、陰氣不勝其陽、則成男。凡醫書謂陰血先至、陽精後衝、縱氣來乘、血開裹精、陰外陽內、則成男。其義亦渺大。約陰氣不勝其陽、則爲男。女子先天之氣方父母交媾時、陽氣不勝其陰、則成女。凡醫書謂陽精先入、陰血後參、橫氣來助、精開裹血、陰內陽外、則成女。其義亦渺大。約陽氣不勝其陰、則爲女。

成胎以百脈齊到分男女

程鳴謙曰、信褚氏之言、則人有精先洩而生男、精後洩而生女。

者何與。信東垣之言。則有經始斷交合生女。經久斷交合生男。亦有四五日以前交合無孕。八九日以後交合有孕者。何與。俞子本又謂微陽不能射陰。弱陰不能攝陽。信斯言也。世有尪羸之夫。怯弱之婦。屢屢受胎。而血氣方剛。精力過人者。往往有終身不育。竟至乏嗣。獨何與。丹溪論治。耑以婦人經水爲主。然富貴之家。侍妾亦多。其中寧無月水如期者。又有經前夫頻育。而娶此以圖易。則不受胎。豈能受于此而不能受于彼耶。大抵父母生子。如天地生物。易曰。坤道其順乎。承天而時行。知地之生。如不過順承乎天。則知母之生子。亦不過順承乎父而也。如母

之順承乎父則種子者果以婦人爲主乎以男子爲主乎若主
男子則不拘老少強弱康寧病患精之易洩難洩只以交感之
時百脈齊到爲善耳若男女之辨不以精血先後爲拘不以經
盡幾日爲拘不以夜半前後交感爲拘不以父母強弱爲拘只
以精血各出百脈齊到者別勝負耳故精之百脈齊到勝乎血
則成男血之百脈齊到勝乎精則成女矣

受胎總論

李東璧曰易云一陰一陽之謂道男女媾精萬物化生乾道成
男坤道成女此蓋言男女生生之機亦陰陽造化之良能也齊

褚澄言血先至。裹精則生男。精先至。裹血則生女。陰陽均至。非男非女之身。精血散分。駢胎品胎之兆。道藏言月水亾後一二五日成男。二四六日成女。東垣言血海始淨。一二日成男。三四五成女。聖濟經言因氣而左動。陽資之則成男。因氣而右動。陰資之則成女。丹溪乃非褚氏。而是東垣。主聖濟左右之說立論。歸于子宮左石之系。其說可謂悉矣。切謂褚氏未可非也。東垣亦未盡是也。蓋褚氏以精血之先後言。道藏以日數之奇偶言。東垣以女血之盈虧言。聖濟丹溪以子宮之左右言。各執一見。會而通之。理自得矣。夫獨男獨女之胎。可以日數論。駢胎品胎。

之感亦可以日數論乎。稽之史載一產三子四子。有半男半女。或男多女少。男少女多。則一三五日爲男。二四六日爲女之說。豈其然哉。豈有一日受男而二日復受女之理乎。此褚氏聖濟丹溪主精血子宮左右之論爲有見。而道藏東垣日數之論爲可疑矣。叔和脈經以脈之左右浮沉辨猥生之男女。高陽脈訣以脈之縱橫逆順別駢品之胎形。恐亦臆度之見。而非確論也。慎齊按已上七條。序受胎辨男女之分。有不同之論也。經云左右者陰陽之道路。男女者陰陽之儀象。故陰陽和而萬物生。夫婦合而男女形。可見男女之生。未有不本于陰陽之理。

者也。故褚澄以精血先後分男女。東垣以日數奇偶分男女。鳴謙以百脈齊到分男女。皆爲理之未確。故丹溪議褚李二公之論爲未融。而以易道之乾元資始。坤元資生爲據。婁全善所以嘆爲造極精微。發前人未發是矣。若子宮分左右。而以兩岐辨男女。夫子宮爲命門。女子繫胞。形如合鉢。何嘗兩岐。而分左右。則是有兩子宮。此說爲鑿空無據。聖濟是論。左右陰陽之氣分男女。未嘗以子宮有左右之分也。况男女交媾時。均有其精。何嘗有血。褚氏東垣丹溪俱以精血混言。幾見男女媾精。而婦人以血施也。前賢之論多謬。僭辨之。

雙胎屬精氣之有餘

朱丹溪曰、或問雙胎者何也、曰精氣有餘、岐而分之、血因分而攝之故也、若男女同孕者、剛日陽時、柔日陰時、感則陰陽混雜、不屬左、不屬右、受氣于兩岐之間也、亦有三胎、四胎、五胎、六胎者、猶是而已、

成胎有二男二女屬精血之盛

人鏡經曰、精氣盛則成二男、血氣盛則成二女、精血皆盛則成一男一女、或精血散分則成男胎、或精血混雜則成非男非女、男不可爲父、女不可爲母、皆非純氣、或感邪崇鬼怪之沴氣則

成異類矣。

不成男女爲陰陽駁氣所乘

朱丹溪曰、或問有男不可爲父、女不可爲母、與男子之兼形者、若何分之、曰、男不可爲父、得陽道之虧者也、女不可爲母、得陰道之塞者也、兼形者、由陰爲駁氣所乘、爲狀不一、有女兼男形者、又有下爲女體、上具男之全形者、此又駁之甚也、或曰、駁氣所乘、獨見于陰、而所成之形、又若是不同耶、曰、陰體虛、駁氣易乘、駁氣所乘、陰陽相混、無所爲主、不可屬左、不可屬右、受氣于兩岐之間、隨所得駁氣之輕重而成形、故所兼之形、有不同也。

慎齋按已上三條序受孕有雙胎之異有不成男女之形此皆陰陽變常駁氣所感理之所不可稽者也

妊娠時月分經養胎之始

巢元方曰、妊娠一月名胚胎、足厥陰脈養之、二月名始膏、足少陽脈養之、三月名始胎、手心主脈養之、當此時血不流行、形象始化、四月始受水精以成血脈、手少陽脈養之、五月始受火精以成氣、足太陰脈養之、六月始受金精以成筋、足陽明脈養之、七月始受木精以成骨、手太陰脈養之、八月始受土精以成膚、九月始受石精以成毛髮、足少陰脈養之、十月始受水精以成骨、手太陰脈養之、十一月始受火精以成血脈、手少陽脈養之、十二月始受土精以成肉、足陽明脈養之、

月五臟六腑關節人神皆備其大略也

十二經脈養胎以五行分四時

陳良甫曰推巢氏所論妊娠脈養之理若厥陰肝脈足少陽胆脈爲一臟腑之經四時之令必始于春木故十二經之養始于肝所以養胎在一月二月手心主心胞絡脈手少陽三焦脈屬火而夏旺所以養胎在三月四月手少陰于太陽乃心脈也君主之官足太陰脾脈足陽明胃脈屬土而旺長夏所以養胎在五月六月手太陰肺脈手陽明大腸脈屬金而旺秋所以養胎在七月八月足少陰腎脈足太陽膀胱脈屬水而旺

腹中受足諸臟之氣脈所養然後時時而生此論微奧有至此世有明者未有過于巢氏之論矣

十月養胎始于足厥陰肝木

聖濟經曰原四時之化始于木十二經之養始于肝茲肝之經足厥陰之脈也自厥陰次之至于太陽自一月積之至于十月五月相生之氣天地相合之數舉在于是然手少陰太陽之經無所專養者以君主之官無爲而已是皆母之真氣血終以養形者也

慎齋按已上三條序受胎之始分十二經脈以養胎也人自

受胎于胞門則手足十二經脈其氣血周流俱以擁養胎元。豈有逐月分經某經養某月之胎之理。馬玄臺已駁之矣。但在巢氏一月二月是論受胎之月數猶爲近理也。至良甫所論是以年歲之一月二月而以五行分四時論也。夫人受胎不拘時月必欲以木火土金水配定某月養胎則受胎在正月二月者猶可以本配之也。若在四五月者何以配之。不經甚矣。當俟正之。

胎疾宜治

聖濟經曰。或者以妊娠母治。有傷胎破血之論。豈知邪氣暴戾。

正氣衰微苟執方無權縱而勿藥則母將羸弱子安能保上古
聖人謂重身毒之有故無殞衰其大半而止蓋藥之性味本以
療疾誠能處以中庸與疾適當且知半而止之亦何疑于攻治
哉。

○ ○ 療母安胎二法不同

王海藏曰安胎之法有二如母病以致動胎者但療母則胎自
安或胎氣不固或有觸動以致母病者宜安胎則母自愈
慎齋按已上二條序胎疾不可不療而療之之法則當分母
病胎病以處治也。

胎前用藥從厥陰經治法有三禁論

張潔古曰婦人童幼天癸未行屬少陰天癸既行屬厥陰天癸既絕屬太陰治胎產病從厥陰者是祖氣生化之原也厥陰與少陽爲表裏故治法無犯胃氣及上中二焦謂之三禁不可汗不可下不可利小便若發汗則同傷寒下早證利大便則脈數而動于脾利小便則內亡津液而胃中枯燥用藥能不犯三禁則榮衛和而寒熱止

○○胎前以清熱養血爲主論

王海藏曰胎前氣血和平則百病不生若氣旺而熱熱則耗氣

血而胎不安。當清熱養血爲主。若起居飲食調養得宜。絕嗜慾。安養胎氣。雖感別證。總以安胎爲主。

○○○胎前清熱養血宜兼順氣爲主論

朱丹溪曰。胎前當清熱養血爲主。白朮黃芩爲安胎之聖藥。俗醫不知。不敢用。反謂溫熱劑可以養胎。不知胎前最宜清熱。令血循經不妄行。故能養胎。黃芩安胎爲上。中二焦藥。使降火下行。益母草活血行氣。有補陰之功。胎前無滯。產後無虛。以行氣中有補也。胎至三月四月。忽腹痛。惟砂仁木香能安胎治痛。行氣。八九月必須順氣。用枳殼紫蘇之屬。但氣虛者宜補氣。以行。

滯用參朮陳皮歸芍甘草加腹皮氣實者耗氣以抑陽用芩木
陳皮甘草加枳殼如將臨月胎熱以三補丸加香附白芍或地
黃膏血虛者四物若瘦弱人勿用芍藥以其伐肝也

胎前三禁以養血健脾清熱疎氣爲主論

汪石山曰徐之才與巢元方有十月養胎用藥之法當逐月詳
其所屬之經氣血虛實而用是經之藥虛則補之壅則疎之熱
則涼之寒則溫之不可汗下及利小便蓋胎元必賴氣血以養
若汗則亡陽傷氣下則亡陰傷血利小便則傷精液是以三者
皆在所忌凡胎前病總以養血健脾清熱疎氣爲主

慎齋按十月分經養胎之說。創自巢元方病源論。夫巢氏爲隋代名醫。張子和嘆其謬立名色。故云支派之分。自巢氏始。病源之失。亦自巢氏始。卽如受胎始于命門子戶。人身十二經氣血俱翕聚以養胎元。豈有某經養某月胎之理。而陳良甫附會其說。以五行分配四時。定養胎法。尤無理甚矣。若徐之才。又因元方良甫之謬。而以十月分配某月見某證。則用某藥。立方主治。分列條下。夫孕婦胎前病邪百出。豈有限于某月。必見某證。執用某方以治之。不但膠柱鼓瑟。直是齊東之語。荒誕不稽者也。姑存巢陳二論。刪去徐氏十條。以正婦

血之榮旺但血旺易至氣衰久而彌覺其偏也夫氣與血兩相維而不可偏氣爲主則血流血爲主則氣反不流非氣之衰也氣不流有似乎衰耳故一切補氣藥皆不可用而耗氣之藥反有可施緣氣得補則愈錮不若耗之以助其流動久之血仍歸其統握中矣湖陽公主體肥難產南山道山進瘦胎方而產得順利蓋肥滿之軀胎處其中全無空隙以故傷胎之藥止能耗其外之氣而不能耗其內之真氣此用藥之妙也

慎齋按胎前宜順氣氣順則不滯枳殼散束胎飲本爲氣實

肥盛安佚鬱悶者立法耳若氣體虛弱元氣不足或虛無脹

滿或虛寒腹痛。必須參朮大補。豈謂胎前必用耗氣藥乎。宜合春甫一條兼看爲得。

○安胎用黃芩白朮論

方約之曰。婦人有娠則礙脾。二化運而生濕。濕生熱。丹溪先生用黃芩白朮爲安胎之聖藥。蓋白朮健脾燥濕。條芩清熱故也。但娠婦賴血養胎。方內四物去川芎。佐之爲尤備耳。

○辨安胎用黃芩白朮論

張飛疇曰。古人用黃芩安胎。是因子氣過熱不寧。故用苦寒以安之。脾爲一身之津梁。主內外諸氣。而胎息運化之機全賴脾。

人良方訛以傳訛之失。汪石山見理甚明。亦從而稱述之。何歟。

○胎前清熱養血宜開鬱爲主論

汪石山曰。妊娠必須清熱調血。使血循經。以養其胎。故丹溪用黃芩白朮爲安胎聖藥。蓋胎之成。由母之氣血。畜聚以養之。氣血既聚。則易鬱。是以先哲多用黃芩清熱。香附開鬱也。

○胎前不宜服耗氣熱藥論

徐春甫曰。世醫安胎。多用艾附砂仁。熱補爲害。尤甚。不知血氣清和。無火煎燥。則胎安而固。氣虛則提不住。血熱則溢。妄行胎。

欲不墮得乎香附雖云快氣開鬱多用則損正氣砂仁快脾氣多用亦耗真氣况香燥之品氣血兩傷求以安胎適以損胎矣慎齋按香附木香砂仁世醫謂安胎必用不知此三味性溫而辛久服反致耗氣助火雖曰胎前須順氣但藥性有偏勝宜兼清熱如黃芩知母之屬爲當若胎氣虛寒者又不在此例也。

○胎前體盛不宜補氣論

喻嘉言曰地之體本重然得天氣以包舉之則生機不息若重陰沍寒之區天日之光不顯則物生實罕人之體肌肉豐盛乃

土故用白朮以助之。然惟形瘦血熱營行過疾胎常上逼過動不安者爲相宜。若形盛氣衰胎常下墜者非人參舉之不安。形實氣盛胎常不運者非香砂耗之不安。血虛火旺腹常急痛者非歸芍養之不安。體肥痰盛嘔逆眩暈者非半夏豁之不安。此皆治母氣之偏勝也。若因風寒所傷而胎不安則桂枝湯香蘇散葱白香豉湯諒所宜用。伏邪時氣尤宜急下。此卽安胎之要訣。下藥中獨芫硝切不可犯。若有客犯而用白朮使熱邪畱戀不解反足傷胎矣。

○○○安胎宜固腎不必用黃芩白朮論

趙養葵曰。或問白朮黃芩安胎之聖藥。此二味恐胎前必不可。缺乎。曰。未必然也。胎莖之繫于脾。猶鐘之繫于梁也。若棟柱不固。棟梁必撓。所以安胎。先固兩腎。使腎中和。暖始脾。有生氣何必定。以白朮黃芩爲安胎耶。凡腹中有熱。胎不安。固用涼藥。腹中有寒。胎亦不安。必用溫藥。此常法也。殊不知兩腎中具水火之原。衝任之根。胎元之所繫。甚要。非白朮黃芩之所安也。如腎中無水。胎不安。用六味地黃壯水。腎中無火。用八味地黃益火。故調經當用杜仲續斷阿膠艾葉當歸五味。出入于六味八味湯中。爲捷徑總之一以貫之也。此諸書之所不及。余特表而出。

之。

○胎前用抑陽助陰方論

許學士曰、婦人妊娠、惟在抑陽助陰。然胎前藥最惡群隊、若陰陽交錯、別生他病。唯南山道士枳殼散、所以抑陽。四物湯、所以助陰。但枳殼散少寒、單服之、恐有胎寒腹痛之患。以內補丸佐之、則陽不至強、陰不至弱。陰陽調而胎孕安。此前人未嘗論及也。

婁全善曰、觀許學士論枳殼四物內補三方、人皆用之、何如大率妊婦、惟在抑陽助陰。經云、陰搏陽別、謂之有子。蓋關前

爲陽關後爲陰。尺中之脈。按之搏手不絕者。妊也。婦人平居。陽氣微盛。無他病。及妊子。則經閉以養胎。若陽氣盛。搏之則經脈妄行。胎始不固。故貴抑陽助陰。但枳殼散少寒。內補丸佐之。則陰陽調和。而胎氣自安矣。

○○胎前以達生散論

朱丹溪曰。世之難產者。往往見于鬱悶安佚之人。富貴參養之家。若貧賤辛苦者。無有也。方書止有瘦胎飲一論。其方爲湖陽公主設也。實非極至之言。彼湖陽公主奉養太過。其氣必實。耗其氣使之和平。故易產。此南山道士進瘦胎枳殼散。抑陽降氣。

爲衆方之冠。溫隱居加木香當歸佐之。若形肥人知其氣必虛。久坐知其氣不運而氣愈弱。兒在胞胎因母氣不能目運故難產。當補其母之氣則兒健易產矣。遂于大全方紫蘇飲加參朮補氣藥。隨母形色稟性。參時加減。名曰達生散。人參白朮白芍當歸腹皮紫蘇陳皮甘草加枳殼砂仁。

慎齋按。已上五條。序胎前用方之大略也。胎前用藥。清熱養血爲主。而清熱養血之後。惟以補脾爲要。此培後天元氣之本也。若養葵則不用芩朮。而以地黃飲加杜續以補腎。夫胎系於腎。腎固則胎自安。此補脾不如補腎之要妙也。許學上。

內補丸已啓其端趙氏從而發明之可謂快安胎之秘旨矣。

胎前調理之法

女科集略曰女之腎臟系于胎是母之真氣子所賴也受妊之後宜令鎮靜則血氣安和須內達七情外薄五味大冷大熱之物皆在所禁使霧露風邪不得乘間而入亦不得交合陰陽觸動慾火務謹節飲食若食兔缺唇食犬無聲食雜魚致瘡癬心氣大驚而癩疾腎氣不足而解顛脾氣不和而羸瘦心氣虛乏而神不足見從母氣不可不慎也苟無胎動胎痛瀉痢風寒外邪不可輕易服藥

孕婦起居所忌

便產須知曰、勿亂服藥、勿過飲酒、勿妄針灸、勿向非常地、便勿舉重、登高涉險、勿恣慾行房、心有大驚、犯之難產、子必顛癇、勿多睡臥、時時行步、勿勞力過度、使腎氣不足、生子解顛、衣毋太溫、食毋太飽、若脾胃不和、榮衛虛怯、子必羸瘦多病、如犯修造、動土、犯其土氣、令子破形殞命、刀犯者形必傷、泥犯者竅必塞、打擊者色青黯、繫縛者相拘攣、若有此等驗、如影響、切宜避之、慎齋按、已上二條、序胎前調理避忌之法也、

經論懷子無邪脈

素問曰。何以知懷子之且生。曰。身有病而無邪脈也。

馬玄臺曰。身有病者。經閉也。無邪脈者。尺中之脈和勻也。婦人懷姙一月。則陰陽之精。尚未變化。二月。則精氣正變。其氣熏蒸。衝胃而爲惡阻。至三四月。則惡阻少止。脈甚滑疾。蓋男女正成形質。其氣尚未定也。至五六月已後。形質已定。男女既分。及八九月。其脈平和。如無娠然。非醫者深明脈理。病者莫明其故。難以診而知也。脈訣云。滑疾不散。胎三月。但疾不散。五月。母至六月後。則疾速亦無矣。然則始終洪數不變者。其氣甚盛。不可一例拘也。故帝問懷子將生者。何以知之。

正此意耳。伯言身雖有經閉之病而無經閉之脈。彼經閉之脈尺中來而斷絕。或按之全無者是也。此則脈體平和勻靜。乃無病脈。至八月九月十月而然。正懷子將生之候耳。

經論妊脈屬足少陰一經

素問曰。婦人足少陰脈動甚者。妊子也。又曰。陰搏陽別。謂之有子。

玉太僕曰。足少陰腎脈也。動者如豆。厥厥動搖也。陰尺中也。搏謂搏觸于手也。尺脈搏擊與寸脈殊別。則有孕之兆也。

經論妊脈尺中按之不絕

難經曰女子以腎繫胞三部浮沉以手按之不絕者有姪也

王叔和曰婦人三部脈浮沉以手按之不絕者孕子也。姪娠初時寸微呼吸五至而尺數也。脈滑疾重以手按之散者胎已三月也。脈重手按之不散但疾不滑者五月也。此卽陰搏陽別之義。言尺脈滑數寸脈微小而尺與寸脈別者孕脈也。

診胎脈屬心腎二經

齊仲甫曰經云陰搏陽別謂之有子。此乃氣血調和陽施陰化也。叔和云脈平而虛。乳子法也。診其脈左少陰動甚者。姪子也。夫手少陰心脈也。心主血。足少陰腎脈也。腎爲胞門子戶。大抵

也。少陰經左手屬心。右足屬腎。下主乎尺。尺中按之不絕者。有姪

診胎脈在手足少陰二經

潘碩甫曰。女人以血爲本。血旺是爲本足。氣旺則血反衰。故女人以血勝氣者爲貴。少陰動甚者。手少陰之脈也。心主血。動甚則血旺。血旺易胎。故云有子。卽內經所謂婦人手少陰脈動甚。姪子是也。尺脈者。左尺足少陰腎之脈也。腎爲天一之水。主子宮以繫胞。孕胎之根蒂也。滑利則不枯。濇有替替。舍物之象。故姪娠卽經所謂陰搏陽別。謂之有子。叔和所謂尺中之脈。按之

不絕。全義也。卽此滑利之脈。應指疾而不散。滑爲血液疾而不散。乃血液斂結之象。是爲有胎三月。若但疾而不散。是從虛漸實。血液堅凝。轉成形體。故不滑。此妊娠五月之脈也。

胎孕脈訣

崔紫虛曰。陰搏于下。陽別于上。血氣和調。有子之象。手之少陰。其脈動甚。尺按不絕。此爲有孕。少陰屬心。心主血脈。腎爲胞門。脈應于尺。或寸脈微關滑。尺數往來流利。如雀之啄。或診三部。浮沉一止。或平而虛。當問月水。婦人有病而無邪脈。此孕非病。所以不月。

慎齋按已上六條序婦人胎孕之脈也。內經平人氣象論云。婦人手少陰脈動甚者。妊子。又陰陽別論云。陰搏陽別。謂之有子。此兩語原兼心與腎二經竝論也。手少陰主心。心生血。婦人以血養胎。故血旺則易孕。始受胎時。精與血凝聚不散。故心脈厥厥而動也。陰搏者。太僕註尺中也。尺脈搏。手搏卽動甚之義。足少陰屬腎。腎主精。女子以繫胞而子宮在焉。精射胞門。則子宮之氣。裹血絀。故應手而搏。擊于陽脈之上。內經原兩明其義。自全元起改手少陰爲足少陰。後人遂有議太僕註手少陰之誤。有從全本不從主本之說。豈知王註。

陰搏之陰謂尺中。則知心與腎原兼診之。而妊孕可推也。予初讀內經。頗惑此句爲難解。必經文兩句合看。始明。今得仲甫碩甫二論。更瞭如也。因附辨之。

辨男女以左右之脈

王叔和曰。婦人妊娠四月。欲知男女法。左疾爲男。右疾爲女。俱疾爲生二子。又曰。左脈尺內偏大爲男。右尺內偏大爲女。左右俱大產二子。大者如實狀也。卽陰搏陽別之義。尺脈實大與寸脈殊別。但分男左女右也。又曰。左脈沉實爲男。右脈浮大爲女。辨男女以左右陰陽虛實論。

張景岳曰以左右分陰陽則左爲陽右爲陰以尺寸分陰陽則寸爲陽尺爲陰以脈體分陰陽則鼓搏沉實爲陽虛弱浮澁爲陰諸陽實者爲男諸陰虛者爲女庶爲一定之論

辨男女以左右氣血論

婁全善曰按丹溪云男受胎在左子宮女受胎在右子宮推之于脈其義亦然如胎在左則氣血護胎而盛于左故脈亦從之而左疾爲男左大爲男也胎在右則氣血護胎而盛于右故脈亦從之而右疾爲女右大爲女也亦猶經云陰搏陽別謂之有子言受胎處臍腹之下氣血護胎而盛于下故陰之尺脈鼓搏

有力與陽之司脈殊別也

慎齋按難經云腎有兩左爲腎右爲命門命門男子藏精女子繫胞則知命門卽胞門而子宮屬焉腎有左右之分而子宮無左右之分今丹溪云男受胎在左子宮女受胎在右子宮是婦人胞門有兩子宮矣甚爲鑿空無據今全善以丹溪之言爲證但云氣血護胎而盛于左則爲男氣血護胎而盛于右則爲女乃可若云盛于左子宮爲男盛于右子宮爲女猶爲附會之謬假如婦人有品胎駢胎則子宮亦有纍纍耶

辨男女以左右之疾勝

潘碩甫曰舉要云男女之別以左右取左疾爲男右疾爲女沉實在左浮大在右左男右女可以預剖蓋左脈疾勝于右是爲男孕以男屬陽居左胎氣鍾于陽故左勝右脈疾勝于左是爲爲女孕以女屬陰居右胎氣鍾于陰故右勝也又更視其腹如其爲女胎腹如釜爲男胎蓋男女孕于胞中女而母腹則足膝抵腹下大上小故如箕男面背母則背脊抵腹其形正員故如釜也又胎有男女則成有遲速男動在三月陽性早也女動在五月陰性遲也

辨劉王論男女脈法之同

楊仁齋曰。叔和以左手太陽浮大爲男。右手太陰沉細爲女。元賓以右手浮大爲女。左手沉實爲男。較是二說。不無牴牾。然卽脈經本旨而詳之。又有若異而實同者。經曰。左手沉實爲男。右手浮大爲女。又曰。左右手俱浮大者。生二女。俱沉實者。生二男。元賓之所主者。此也。經曰。左手尺中浮大者。男。右手尺中沉細者。女。又曰。尺脈俱浮。產二男。尺脈俱沉。產二女。叔和之所主者。此也。何者。沉細之說。與沉實之義不同。右尺浮大之說。與右手浮大亦異。欲知男女之法。大抵沉實者爲男。沉細者爲女。右尺浮大者。固知其女。左尺浮大者。大抵皆男。沉細爲女。沉實爲男。

卽所謂諸陽爲男諸陰爲女是也。左尺浮大爲男，右尺浮大爲女。卽所謂左疾爲男，右疾爲女是也。元賓言其詳，蓋合左右兩手而別陰陽。叔和言其略，特不過脈經論尺脈之義，尚何有異同之辨哉。

慎齋按：已上五條序辨男女之脈也。男女之脈，自叔和而下，紛紛聚訟，益爲支離。卽明如丹溪，而以左右子宮分男女，更有以左大順男，右大順女，此左右以醫者爲言，猶屬不解前條。惟景岳碩甫二說，爲得其正也。

女科經綸卷三

樵李蕭

壘賡六纂著

弟璣仔臨

校

張

崑嶠璜

郭士升天階

沈

衍孟嘉

禾郡

姚

安詰符

薛

雋伙弓

仝叅訂

陳

晉日章

胡公裔次史

王

朝翼如

祝艷芳斐卿

葉大年蒼臣

胎前證

妊娠惡阻有絕之之法

金匱要略曰婦人得平脈陰脈小弱其人渴不能食無寒熱名
妊娠干法六十日當有此證設有醫者治逆却一月加吐下者
則絕之。

婁全善曰惡阻者謂嘔吐惡心頭眩惡食擇食是也絕之者
謂絕止醫治候其自安也予嘗治一二妊婦惡阻病嘔吐愈
治愈逆因思仲景絕之之旨遂停藥月餘自安真大哉聖人
之言也。

徐忠可曰期有未滿六十日則胎未成又加吐利因醫悞治
則脾胃實有受傷處但當斷絕病根爲主不得泥安胎之說。

而狐疑致悞也。故曰絕之。

妊娠惡阻屬經血閉塞臟氣不宣。

巢元方曰：妊娠惡阻者，心中憤悶，頭眩，四肢懈墮，惡聞食氣，欲啖鹹酸果實，多睡少起。世言惡食，又云惡阻是也。三四月以上，不自勝舉，此由婦人本元虛羸，血氣不足，腎氣又弱，兼當風飲冷，心下有痰水，挾之。娠後經血閉塞，水漬于臟，臟氣不宣，故心煩憤悶，氣逆嘔吐，血脈不通，經絡痞澁，則四肢沉重，挾風則頭目眩，又不知患之所在，脈理和平，卽是有胎也。

妊娠惡阻屬五味不化，中氣壅實。

聖濟總錄曰婦人所食穀味化爲血氣下爲月水凡妊娠之初月水乍聚一月爲媒二月爲胚三月爲胎成則男女上食于母口如鳥在牒胚之時血氣未用五味不化中氣壅實所以脾胃不思穀味聞見于物卽惡心有阻也

妊娠惡阻屬氣血積聚內鬱攻胃

朱丹溪曰凡孕二三月間嘔逆不食或心煩悶此乃氣血積聚以養胎元精血內鬱穢腐之氣上攻于胃是以嘔逆不能納食血旣養胎心失所榮是以心虛煩悶法當調血散鬱用參朮甘草補中氣橘紅紫蘇木香生薑散鬱氣茯苓麥冬黃芩竹茹清

熱解煩、名參橘飲

○ 妊娠惡阻屬胃氣虛弱中脘停痰

陳良甫曰、妊娠惡阻病產寶謂之子病、巢氏病源謂之惡阻、由胃氣怯弱、中脘停痰、脈息和順、但肢體沉重、頭眩、擇食、惟嗜酸、鹹甚者、寒熱嘔吐、胸膈煩悶、半夏茯苓丸主之、

○ 妊娠惡阻屬痰飲血壅停滯肝經

戴復庵曰、惡阻者、婦人有孕、惡心阻其飲食是也、胎前惡阻、見食嘔吐、喜酸物、多臥少起、俗名病兒、蓋其人宿有痰飲、血壅遏、而不行、故飲隨氣上停滯、肝經肝之味酸、則必喜啖酸物、金剋

木以辛勝之。小半夏茯苓湯。或二陳湯。

妊娠嘔吐屬於寒

金匱要略曰。妊娠吐嘔不止。乾薑人參半夏丸主之。

徐忠可曰。諸嘔吐酸。皆屬於火。此言胃氣不清。暫作嘔吐也。若妊娠嘔吐不止。則因寒而吐。上出爲嘔。不止則虛矣。故以半夏治嘔。乾薑治寒。人參補虛。而以生薑糊半夏。以下其所逆之氣。

○妊娠嘔吐惡阻。勿作寒治。

大全曰。婦人經候不調。或不行。身無病。似病。脈滑大。而六脈俱

勻是孕婦脈也。精神如故，惡聞食氣，或但嗜一物，或大吐，或時吐清水，此名惡阻。勿作寒病治之，宜服人參、白朮、甘草、香附、烏藥、丁香、香薷、橘紅、保生湯。

按：妊娠嘔吐，金匱主于寒，大全論勿作寒治是矣。其用藥則多辛熱何也。

妊娠嘔吐屬肝挾衝脈之火衝上。

羅太無曰：有孕婦三月嘔吐痰，并飲食，每寅卯時作，覺少腹有氣上衝，然後膈滿而吐。此肝脈挾衝脈之火衝上也。用沉香磨水化抱龍丸一服，膈寬氣不上吐止。

妊娠嘔吐屬怒氣傷肝

朱丹溪曰有妊二月嘔吐眩暈脈之左弦而弱此惡阻因怒氣所激肝氣傷又挾胎氣上逆參朮補之大非所宜以茯苓半夏湯下抑青丸

○妊娠嘔吐惡阻屬少陽之火上衝胃口

趙養葵曰惡阻多在三箇月之時相火化胎之候壯火食氣上衝胃口食入卽嘔吐少陰腎水旣養胎少陽之火益熾須用清肝滋腎湯卽六味飲加柴胡白芍先用逍遙散止嘔再用調經滋腎湯加吐續嘔甚者加川連吳茱萸妙

胎前惡阻嘔吐用半夏論

陳良甫曰千金方有半夏茯苓湯、茯苓丸專治惡阻、此二方比來少有服者。以半夏能動胎、胎初結慮其辛燥易散故也。須薑汁炒以制毒。凡惡阻非半夏不能止。是有故無殞也。

婁全善曰、大千方謂半夏動胎不用。今觀仲景用人參半夏乾薑丸、羅謙甫用半夏茯苓湯、朱丹溪用二陳加減、並治胎前惡阻痰逆嘔吐、心煩頭眩、惡食俱効。獨不知此乎。予治惡阻用之未嘗動胎。正經云有故無殞是也。

薛立齋曰、半夏乃健脾胃氣化痰滯主藥。脾胃虛弱嘔吐或痰

涎壅滯。飲食少。胎不安。必用半夏茯苓湯。倍加白朮。安胎健脾。予嘗用驗也。

惡阻嘔吐用藥大法

薛立齋曰。妊娠若飲食不甘。或欲嘔吐。用六君子加紫蘇枳殼。若惡阻嘔吐。頭眩體倦。用參橘飲。未應用六君子湯。若惡阻嘔吐。不食。亦用參橘散。或飲食停滯。腹脹嘔吐。此是脾胃虛弱。不能消化。用六君子湯。不應用平胃散。加參苓。

慎齋按。已上一十三條。序胎前有惡阻嘔吐之證也。凡婦人

妊孕。其始證先見于惡阻。而惡阻自金匱有絕之法。而下病

機蓋非一端。巢元方以下主于氣凝血聚。陳良甫以下主于停痰積飲。若仲景金匱以寒治太無養。葵作火論于惡阻病機。可謂詳悉。但胎前無寒。產後無熱。此常法也。故惡阻嘔吐。大抵寒者少熱者多。總屬血壅胎元。臟氣不能宣通。停痰積飲。鬱熱壅滯。變而爲火。有熱無寒。致生諸證。故丹溪立齋論治。每以枳殼紫蘇。蘇梗木香砂仁。爲降氣順氣之法。所謂胎前須順氣者。此也。

娠子煩屬君相二火

陳良甫曰。娠子煩悶者。以四月受少陰君火。以養精。六月受少

陽相火以養氣。若母心驚膽虛，多有是證。

李太素曰：煩者，心中煩亂不安也。由受胎後血熱干心，心氣不清，故人鬱悶撩亂不寧。因妊娠而煩，故曰子煩。非子在腹中煩也。古云：四月受少陰君火以養精，六月受少陽相火以養氣。故煩多屬火。今胎受君相之火，豈有母煩之理？況母既以二火養胎，則火瀉矣。又何煩之有？若曰：母虛而煩，則當每月皆然。何獨于四月六月而虛且煩，亦不拘于四月六月也。似說不通。

○ 妊娠子煩屬于熱

齊仲甫曰、妊娠煩悶有四證、有心中煩、胸中煩、有子煩、諸屬于熱。若臟虛而熱氣乘心、令人煩者、名虛煩。若積痰飲嘔吐痰沫者、名胸中煩。或血積停飲、寒熱相搏、致胎氣不安、謂子煩。用犀角散竹瀝湯之類。

○ 妊娠子煩屬心肺虛熱痰積于胸

單養賢曰、是心肺虛熱、或痰積于胸。若三月而煩者、但熱而已。若痰飲而煩者、吐涎惡食、煩躁不安也。大凡妊娠既停、痰積飲又寒熱相搏、氣鬱不舒、或煩躁、或嘔吐涎沫、劇則胎動不安、均爲子煩也。

○ ○ 妊娠子煩屬胎元壅鬱熱氣上衝
朱丹溪曰子煩由胎元壅鬱熱氣上衝以致煩悶法當清熱疎鬱以安胎犀角散主之

妊娠子煩分證用藥之法

薛立齋曰前證若因內熱用竹葉湯氣滯用紫蘇飲痰滯用二陳加條芩枳殼氣鬱用分氣飲加川芎脾胃虛弱用六君子加紫蘇山梔

○ ○ 妊娠煩躁屬熱乘心脾津液枯燥

陳良甫曰妊娠煩躁口乾者足太陰脾經其氣通于口手少陰

心經其氣通于舌。若臟腑氣虛榮衛不和。致陰陽隔絕。熱乘心脾。津液枯燥。故心煩口燥。與子煩大同小異。宜知母丸。

妊娠煩躁口乾用藥之法

薛立齋曰。前證若胃經實火。用竹葉石膏湯。若胃經虛熱。用人參黃芪散。若胃經氣虛。用補中湯。若肺經虛熱。用紫蘇飲。若肝經火動。用加味道遙散。若脾氣鬱結。用加味歸脾湯。若腎經火動。用加味地黃丸。

妊娠暴渴爲血凝病

大全曰。有孕婦暴渴。惟飲五味汁。名醫耿隅診其脈曰。此血欲

疑非疾也已而果孕然古方有血欲凝而渴飲五味之證不可不知

慎齋按已上九條序胎前有子煩煩躁口乾血渴之證也。娠煩躁本屬肺腎二經有火仲景云火入于肺則煩入于腎則躁胎繫于腎腎水養其胎元則元氣弱不足以滋腎中之火火上爍肺肺受火刑變為煩躁此金虧水涸之候法當滋其化源清金保肺壯水滋腎為主。良甫以君相二火論子煩產寶以停痰積飲論子煩未悉病機之要。若丹溪以子煩為氣血壅聚胎元熱氣上衝為病亦是大概言之耳。

妊娠子懸屬胎熱上衝

陳良甫曰妊娠至四五月來君相二火養胎平素有熱故胎熱氣逆上。奏心胸脹滿痞悶。名曰子懸。法當補氣血。疎壅滯。用嚴氏紫蘇飲。加山梔條芩之類。紫蘇陳皮和氣。大腹斂氣。寬中芎歸參芍養血補氣。甘草緩急。加生薑葱白名產寶方。

○ 妊娠子懸屬濁氣舉胎上奏

何松庵曰本事方云紫蘇飲治妊娠胎氣不和懷胎近上脹滿疼痛。名子懸。子懸者濁氣舉胎上奏也。胎熱氣逆。心胃脹滿。此證挾氣者居多。疎氣舒鬱。非紫蘇腹皮川芎陳皮無以流氣。非

歸芍無以養血氣血既利而胎自降然邪之所湊其人必虛故
以人參甘草補之。

妊娠子懸屬寒冷與氣相爭

陳良甫曰妊娠心腹脹滿者由腹內素有寒氣致令停飲與氣
相爭故令心腹脹滿也。

妊娠子懸屬命門火衰腹寒就暖

趙養葵曰有胎從心腹湊上者名曰子懸此命門火衰胎在腹
中寒冷不得已上就心火之溫暖須理中湯不應八味九作湯
慎齋按已上四條序胎前心腹脹滿有子懸之證也胎氣上

逼。心。胸。正。以。氣。血。壅。鬱。胎。元。鬱。久。則。熱。故。良。甫。生。于。胎。熱。氣。
逆。松。庵。主。干。濁。氣。舉。胎。是。以。火。熱。立。論。爲。當。若。大。全。以。寒。氣。
冷。飲。養。葵。以。命。門。火。衰。論。子。懸。證。必。以。人。之。壯。弱。脈。之。遲。數。
爲。憑。如。稟。厚。質。壯。脈。來。洪。數。而。心。腹。脹。滿。者。此。子。懸。之。屬。火。
熱。爲。病。也。如。脾。胃。素。虛。脈。來。遲。細。而。心。腹。脹。滿。者。此。子。懸。之。
屬。虛。寒。爲。患。也。則。百。不。失。一。矣。

慎。齋。按。命。門。爲。男。子。藏。精。女。子。繫。胞。之。所。胎。孕。受。于。命。門。命。
門。之。火。卽。是。元。氣。養。胎。故。有。日。長。之。勢。譬。如。果。實。生。于。春。而。
結。于。夏。夏。月。熱。盛。則。果。實。漸。長。至。秋。冬。肅。煞。則。果。實。黃。隕。而。

落胎在母腹。若命門火衰。勢必墮殞。豈有上就心火。而爲子懸之證。至云不得已三字。尤屬可嗤。若必以桂附八味丸治子懸。夫桂附爲墮胎藥。恐火未必益。而胎反可虞。明者辨之。

妊娠子滿屬胎中水血相搏

陳良甫曰。凡妊娠無使氣極。若心靜氣和。則胎氣安穩。若中風寒邪氣。及有觸犯。則隨邪生病。如妊娠經血壅閉。養胎忽然虛腫。是胎中挾水。水血相搏。脾胃惡濕。主身之肌肉濕漬。氣弱則肌肉虛。水氣流溢。故令身腫滿。然其由或因泄流不痢。臟腑虛滑。耗損脾胃。或因寒熱瘧疾。煩渴引飲太過。濕漬脾胃。皆使頭

面手足浮腫然水清于胞兒未成形則胎多損壞。

○ 妊娠子滿屬脾虛停水

齊仲甫曰、妊娠以經血養胎、或挾水氣、水血相搏、以致體腫、皆由脾胃虛而臟腑之間、宿有停水、所挾謂之子滿、若水停不去、浸漬其胎、則令胎壞、如脈浮腹滿兼喘者、胎未壞也。

○ 妊娠浮腫屬脾胃氣虛經血壅閉

聖濟總錄曰、脾候肌肉、土氣和則能制水、水自傳化、無有停積。若妊娠脾胃氣虛、經血壅閉、則水飲不化、濕氣淫溢、外攻形體。內注胞胎、懷妊之始、腫滿必傷胎氣、如臨月而腳微腫、利其小

便病自愈。

○ 妊娠子滿屬脾虛有濕清濁不分

何松庵曰、妊娠三月後、腫滿如水、氣者、俗呼爲琉璃胎是也。古方一主于濕、大率脾虛者多、脾虛不運、則清濁不分、須以補脾兼分利、若夜腫日消、是血虛、宜健脾兼養血主之。

妊娠胎水屬胞中畜水

陳良甫曰、婦人胎孕至五六個月、腹大異常、胸腹脹滿、手足面目浮腫、氣逆不安、此由胞中畜水、名曰胎水、不早治、生子手足軟短、有疾、或胎死腹中、用千金鯉魚湯治其水。

妊娠胎水屬氣壅成濕

陳良甫曰胎氣壅塞成濕致身體脇腹浮腫喘急氣促小便澀法當疎壅氣行水濕澤瀉散主之

濟陰綱目按子滿在五六月以後比子氣與子腫不全蓋胎大則腹滿滿則氣浮遍身腫邪無所挾但一瀉氣利水則愈

妊娠有水氣

金匱要略曰妊娠有水氣身重小便不利洒淅惡寒起卽頭眩葵子茯苓散主之

徐忠可曰有水氣者雖未大腫脹經脈中之水道已不利衛

氣挾水不能條暢。則周身之氣爲水滯。故身重。水已通調而順行。逆則小便不利矣。惡寒者衛氣不行也。頭眩者內有水氣。厥陽之火逆。陰氣而上蒸。則所見皆眩矣。

妊娠浮腫脹滿分證用藥之法

薛立齋曰。前證若胸滿腹脹。小便不通。遍身浮腫。千金鯉魚湯。脾胃虛弱。佐以四君子。若面目虛浮。肢體如水。氣全生。白水散。未應。六君子湯。若脾虛濕熱。下部作腫。補中湯。加茯苓。若飲食失節。嘔吐泄瀉。六君子湯。若腿足發腫。喘悶不寧。或指縫出水。天仙藤散。若脾肺氣滯。加味歸脾湯。佐加味逍遙散。

慎齋按已上八條序胎前腫脹有子滿之證也。子滿有水血相搏。有停水受濕。有經血壅閉。有清濁不分。總因脾土虛不能制水所致。故立齋治法。不外健脾滲濕順氣安胎為主。若濟陰云。但一瀉氣利水則愈。此謬論也。必兼立齋用藥。乃爲求本之要。至良甫以下三條。雖有胎水之名。其因實與子滿異名同證也。

妊娠脚腫名子氣屬衝任有血風

產乳集曰。妊娠自三月成胎後。兩足自脚面漸腫。行步艱難。以至喘悶。飲食不美。似水氣狀。脚指間有黃水出者。謂之子氣直。

至分娩方消此由婦人素有風氣或衝任經有血風未可妄投湯藥亦感將產之際有不測之憂故不可不治于未產之前也

妊娠脚腫屬風寒濕冷

陳無擇曰凡婦人宿有風寒濕冷。妊娠多脚腫。俗呼爲皺朋脚。

妊娠脚腫屬脾衰血化成水

陳良甫曰。妊娠兩脚浮腫。名曰脆脚。因脾衰不能制水。血化成水。所致。全生白朮散主之。

妊娠脛腫屬中氣壅鬱

朱丹溪曰。妊娠兩足脛腫至膝。甚則足指間出水。此由中氣聚。

養○治○元○壅○鬱○不○得○升○發○法○當○疎○鬱○滯○天○仙○藤○散○主○之

妊娠脚腫屬脾經養胎病

何松庵曰孕婦六七月間兩足浮腫足太陰脾經養胎也脾主四肢此時胎已墜下故腫見于兩足分娩後即愈

○ ○ 妊娠脚腫不可作水治傷真氣

齊仲甫曰妊娠脚腫非水氣也至八九月脛及腿俱腫不可以水病治之反傷真氣有此者必易產因胞臟中水血俱多不致燥胎故也若初妊即腫者是水氣過多見未成體則胎必壞

妊娠脚腫主男胎之驗

名醫錄曰、宋少主與徐文伯微行學鍼法、文伯見一妊婦足腫不能行、少主脈之曰、此女形也、文伯診之曰、此男胎也、在左則胎黑色、少主怒欲破之、文伯惻然曰、臣請針之、胎遂墮男形而色黑、此妊娠足腫之說也。

齊陰綱目按子腫與子氣相類、然子氣在下、體子腫在頭面、若子滿大都在五六月已後、比子氣與子腫不同、若胎大則腹滿滿則氣遍身浮腫也。

慎齋按已上九條、序胎前有子氣脚腫之證也、妊娠有遍身胸腹頭面四肢浮腫者、曰子滿、有止兩足脛腫、漸至臍膝者。

曰子氣。子氣卽子腫也。要皆本于脾虛中氣不運。以致水穀濕熱之氣浸漬肌肉。流溢四肢。此大全以下三論爲見本之治。若產乳三因是兼外邪論矣。

妊娠腹痛屬子臟寒

金匱要略曰婦人懷妊六七月脈弦發熱其胎愈脹腹痛惡寒者少腹如扇所以然者子臟開故也當以附子湯溫其臟。徐忠可曰六七月胃肺養胎而氣爲寒所滯故胎愈脹寒在內腹痛惡寒然惡寒有屬表者此連腹痛則知寒傷內矣少腹如扇陣陣作冷若或扇之此狀惡寒之異也且獨在少腹。

因子臟受寒不能合故小腹獨甚開者不斂也子臟卽子宮
附子能入腎溫下焦故宜附子湯溫其經

妊娠心腹痛屬宿冷風寒

大全曰妊娠心腹痛或宿有冷疼或新觸風寒皆因臟虛而致
發動也邪正相擊而併于氣隨氣上下上衝于心則心痛下攻
于腹則腹痛妊娠痛邪正二氣交攻于內若不差痛衝胞胎必
致動胎甚則傷墮

妊娠心腹痛屬痰飲與臟氣相搏

陳良甫曰妊娠心腹疼痛多是風寒溫冷痰飲與臟氣相擊故

令腹痛攻不已則致胎動

妊娠胸腹刺痛屬忿怒憂思

大全曰、妊娠四五月後、每常胸腹間氣刺滿痛、或腸鳴、以致嘔逆、減食、此由忿怒憂思過度、飲食失節所致、蔡元度寵人有子、夫人怒欲逐之、遂成此病、醫官王師復處以木香散、莪朮木香丁香甘草鹽湯下三服而愈。

方約之按此方所言婦人忿怒憂思過度、以致胸腹間氣刺滿痛、此言良是。蓋婦人上有舅姑丈夫、事觸物忤、不能自決、憂思忿怒、沉鬱于中、故丹溪云、氣鬱便是火、火載胎上、榮衛

不通則心腹間脹滿痛作矣

慎齋按已上四條序胎前腹痛有風寒客邪痰飲七情爲有餘之病也

妊娠腹痛屬胞阻

金匱要略曰假令妊娠腹中痛爲胞阻膠艾湯主之

徐忠可按胞阻者阻其欲行之血而氣不相順也四物湯養陰補血血妄行必挾風血爲痰濁膠以驢皮爲主能去風以濟水煎成能澄濁艾性溫而善行能導血歸經甘草和之使四物不偏于陰此三味之力也

○ ○ 妊娠腹痛屬脾胃氣虛

薛立齋曰胎或作脹或腹作痛此是脾胃氣虛不能承載用安胎飲加升麻白朮不應用補中湯

○ ○ 妊娠腹痛屬血虛

金匱要略曰婦人懷胎腹中疝痛當歸芍藥散主之又婦人腹中痛小建中湯主之

○ ○ 妊娠胎痛用地黃當歸湯倍熟地

劉宗厚曰潔古地黃當歸湯治婦人有孕胎痛胎痛丹溪以血虛治之故四物去川芎倍如熟地此心法也

薛立齋按妊娠腹中不時作痛，或小腹重墜，名胎痛，用當歸地黃湯，卽內補丸不應，加參朮陳皮，或因脾氣虛，四君加歸地。

慎齋按已上四條，序胎前腹痛，有氣阻、氣虛、血虛、爲不足病也。胎有脾胃氣虛而腹痛者，用補氣調氣之法，有陰虧血虛而腹痛者，用補血溫經之法，與前條風寒痰飲之證迥別，臨證審之。

妊娠頓仆胎傷腹痛用藥之法

薛立齋曰：頓仆胎動腹痛下血，用膠艾湯，未應用八珍湯，加膠

艾若頓仆胎傷下血腹痛用佛手散未應八珍湯下知母丸

胎動不安腹痛辨男女生死之法

王叔和曰婦人有胎腹痛其人不安若胎病不動欲知生死令人摸之如覆杯者男如肘頸參差起者女也冷者爲死溫者爲生

慎齋按已上二條序胎前腹痛有頓仆傷胎而胎動不安致有腹痛之證此非不內外因一辨用藥治法一辨生死之法也

妊娠心痛屬風邪痰飲

大全曰。妊娠心痛。乃風邪痰飲交結傷心支絡。乍安乍作。若傷子臟。則胎動而血下。

慎齋按。已上一條。序胎前有心痛之證也。心痛不止。風邪痰飲。爲外感有餘病。妊娠心氣虛而血少。亦足致此。大全論不。過舉其一端耳。

妊娠腰痛屬風冷乘虛

大全曰。腎主腰足。因勞傷損動其經。虛則風冷乘之。腰痛不止。多動胎氣。婦人腎以繫胞。妊娠腰痛甚。則胎墮。故妊娠腰痛。最爲緊要。若閃挫氣不行。腰痛者。通氣散腎虛者。青娥不老丸總。

以固胎爲本

妊娠腰痛屬血熱血滯

汪石山曰有婦人懷娠八月嘗病腰痛不能轉側大便燥結醫用人參等補劑痛益加用硝黃通利之藥燥結雖行而痛如故診之脈稍洪近駛曰此血熱血滯也宜四物加木香乳沒黃柏火麻仁五貼痛減燥結潤復加發熱面赤或時惡寒前方去乳沒加柴岑二帖寒熱除而腰痛復作此血已利矣前方加人參服之安

○ ○ 妊娠腰痛有勞力房事之分

何松庵曰腰者腎之腑。足少陰之所留注。妊娠腰痛。多屬勞力。蓋胞繫于腎。勞力任重。致傷抱繫。則腰必痛。甚則胞繫欲脫。多至小產。宜安胎為主。胎安而痛自愈。若素享安逸。而腰痛必房事不節。致傷胞繫也。若脈緩。遇天陰。或久坐而痛者。濕熱也。腰重如帶物。而冷者。寒濕也。脈大而痛不已者。腎虛也。脈濇而日輕夜重者。氣血凝滯也。脈浮者。爲風邪所乘。脈實者。閃挫也。若臨月腰痛。胞欲脫。腎將產之候也。

妊娠腰痛分證用藥之法

薛立齋曰前證若外邪所傷。用獨活寄生湯。勞傷血氣。八珍湯。

加杜仲砂仁膠艾脾腎不足前藥內加白朮骨脂氣血鬱滯紫蘇飲加枳桔肝火動小柴胡湯加白朮枳殼山梔肝脾鬱結歸脾湯加柴胡枳殼

慎齋按已上四條序胎前有腰痛之證也。妊娠腰痛有外感。有內傷。大全主于風冷。石山主于血滯。此客邪有餘病也。正宗以勞力房事論妊娠腰痛則又悉病機之要矣。

妊娠小腹屬風寒相搏

大全曰妊娠小腹痛由胞絡虛風寒相搏痛甚亦令胎動

慎齋按已上一條序胎前有小腹痛之證也。小腹爲足厥陰

肝經部分是經或陰血不足。或鬱怒氣滯。皆足致小腹痛之證。况胎繫于腎。腎肝同病。大全論風寒相搏。止就外邪一端言之耳。

妊娠經來爲激經屬陽微不足

王叔和曰。婦人月經下。但爲微少。師脈之反言有軀。其後審然。其脈何類。師曰。寸口脈陰陽俱平。榮衛調和。按之則滑。浮之則輕。陽明少陰各如經法。身反洒淅。不欲食。頭痛。心亂。嘔吐。呼則微。數吸則不驚。陽多氣溢。陰滑氣盛。滑則多實。六經養成。所以月見陰見陽精。汁凝胞散。散者損墮。設復陽盛。雙妊二胎。今陽

不足故令激經也

妊娠經來屬血盛有餘

婁全善曰、妊娠經來不多、飲食精神如故、六脈和緩、滑大無病者、血盛有餘也、兒大能飲、自不來矣、

慎齋按已上二條、序胎前經來、有有餘不足之分也、胎前下血、則名漏胎、妊娠經來、則名激經、漏胎則無時而下、激經則有時而至、叔和主于陽微不足、全善主于血盛有餘、當以人稟之強弱參之、

妊娠胎漏下血爲癥病

金匱要略曰婦人宿有癥病經斷未及三月漏下不止胎動在臍上者爲癥痼害妊娠六月動者前三月經水利時胎動下血者後斷三月衄也所以血不止者其癥不去故也當下其癥桂枝茯苓丸主之

徐忠可曰婦人行經時遇冷則血留而爲癥癥者有形可徵然癥病女人恒有或不在子宮則行經受胎經斷卽是孕矣未及三月將三月也旣孕而見血謂之漏下未及三月漏下不止則養胎之血傷故胎動假使胎在臍下則直欲落矣今在臍上是每月湊集之新血因癥氣相妨而爲漏下實非胎

病故曰癥瘕害癥者宿疾也害者累之也至六月胎動此宜動之時但較前三月經水利時胎動不血則已斷血三月不行復血不止是前之漏下新血去而癥反堅牢不去故須下之爲安藥用桂枝茯苓湯者桂芍一陰一陽茯苓丹皮一氣一血調其寒溫扶其正氣桃仁破惡血消癥瘕不嫌傷胎者有病病當之也且癥之初必因于寒桂能化氣消具本寒癥之成必挾濕熱爲窠囊茯苓清濕氣丹皮清血熱芍藥斂肝血而扶脾使能統血養正卽所以去邪也

○○○ 妊娠胎漏下血屬榮經有風

產乳集曰有妊婦月信不絕而胎不損問產科熊宗古荅曰婦人血盛氣衰其人必肥既娠後月信常來而胎不動若便以漏胎治之則胎必墮若不作漏胎治其胎未必墮今推宗古之言誠有自也巢氏云婦人經閉不利別無所苦是謂有子以經血畜之養胎壅爲乳汁也有子後畜以養胎矣豈可復散動耶所以然者有妊而月信每至亦未必因血盛也婦人榮經有風則經血喜動以風勝故也榮經旣爲風所勝則所下者非養胎之血若作漏胎治必服保養補胎藥胎本不損強以藥滋之是實實也其胎終陰宜矣若醫者知榮經有風之理尚以一藥治風

經信可止或不服藥胎亦無恙然亦有胎本不固因房室不節先漏而後墮者須作漏胎治又不可不審也

按肝經有風致血得風而流散不歸經以一味防風丸若肝經有熱致血妄行條芩炒焦爲末酒下

妊娠胎漏下血屬房室驚觸勞力毒食

產寶百問曰妊娠成形胎息未實或因房室驚觸勞力過度傷動胞胎或因食毒物致令子宮虛滑經血淋瀝若不急治敗血湊心子母難保

○ ○ 妊娠胎漏下血屬衝任氣虛

陳良甫曰、妊娠漏胎、謂妊娠數月而經水時下也。此由衝任脈虛不能約制、手太陽少陰之經血故也。衝任之脈爲經絡之海、起于胞內、手太陽小腸脈、手少陰心脈、二經相爲表裏、上爲乳汁下爲月水、有娠之人、經水所以斷者、壅之養胎也。衝任氣虛則胞內泄不能制其經血、故月水時下名胞漏、血盡則斃。又有因勞役喜怒哀樂不節、飲食生冷、觸冒風寒、遂致胎動。若母有宿疾、子臟爲風冷所乘、氣血失度、使胎不安、故令下血也。

○ ○ 妊娠胎漏下血屬血熱脾虛不攝

朱丹溪曰、胎漏多因于血熱、然有氣虛血少者、故良方論有下

血服涼血藥而下血益甚食少體倦此脾氣虛而不能攝血也

妊娠胎漏黃水屬肝脾病

全曰妊娠忽然下黃汁如膠或如豆汁胎動腹痛

薛立齋按前澄肝脾濕熱用升陽除濕湯若肝脾風熱加味

逍遙散肝脾鬱怒加味歸脾陽脾胃氣虛錢氏白朮散老脾

氣下陷補中湯肝經風熱防風黃芩丸風八陽胃用防風湯

妊娠胎漏下血分證用藥之法

薛立齋曰妊娠下血不止名胎淋血虛用二黃散血去多用八

珍湯未應用補中湯若因事而動下血用枳殼湯加生熟地未

應或作痛。更加當歸血不止。八珍湯加膠艾。若因怒氣。用小柴胡湯。若因風熱。一味防風丸。若因血熱。一味子芩丸。若脾氣虛弱。六君子湯中氣下陷。補中湯。若氣血盛而下血者。乃兒飲少。也不必服藥。千金方治妊娠下血不止。名曰漏胎。血盡子死。方用生地八兩。清酒搗汁服之。無時能多服佳。

慎齋按已上七條。序胎前有胎漏下血之證也。妊娠胎漏。金匱主于癥病。痼害。巢氏主于榮經有風。是屬有餘。客邪爲病也。若產寶以下。大全丹溪主于氣虛血虛。是屬內傷不足。爲病也。觀立齋用藥一條。已分有餘不足證治矣。

妊娠尿血屬熱滲入脬

大全曰。娠婦勞傷。經絡有熱。在內熱。乘于血。血得熱。則流溢。滲入于脬。故令尿血。

胎漏下血與妊娠尿血不同之辨

李氏曰。胎漏。自人門下血。尿血。自尿門下血。妊娠尿血。屬胞熱者多。四物加山梔。髮灰。又方。阿膠。熟地。

慎齋按。已上二條。序胎前尿血之證也。尿血。易混于胎漏。得

李氏一辨。已見分晰。但胎漏。有無時。頻出。尿血。是熱入膀胱。本心經有火。移小腸。滲入膀胱。溺時則下。不溺則不下。卽是

小便溺血。但屬妊娠爲異耳。

○ ○ 妊娠小便淋屬腎虛膀胱熱

產寶百問曰。腎者作強之官。技巧出焉。與膀胱爲表裏。男子藏精。女子繫胞。妊娠小便淋者。腎虛而膀胱有熱也。腎虛不能制水。則小便數。客熱膀胱。則水道澁而數。淋漓不宣。名曰子淋。地膚子湯主之。

○ ○ 妊娠小便澁宜養血導鬱

陳良甫曰。孕婦小便澁少。由氣血聚養胎元。不及敷榮滲道。遂使膀胱鬱熱。法當養血以榮滲道。利小便以導鬱熱。用歸芍調

血人參補氣。麥冬清肺以滋腎水之源。滑石通草利小便以清鬱滯。名安榮散方內有滑石乃重劑恐致墮胎。若臨月極妙。如在七八月前宜去此味。加石斛山梔尤穩。

妊娠子淋須分二證

萬密齋曰子淋之病須分二證。一則妊母自病。一則子爲母病。然妊母自病又分二證。或服食辛熱因生內熱者。或自汗自利。津液燥者。其子爲母病亦分二證。或胎氣熱壅者。或胎形迫塞者。證既不同。治亦有別。大抵熱則清之。燥則潤之。壅則通之。寒則行之。此治之之法也。

妊娠淋瀝分經用藥之法

薛立齋曰、妊娠小便瀝少淋瀝、用榮安散、若肝經濕熱、用龍膽瀉肝湯、若肝經虛熱、用加味逍散、若服燥劑而小便頻數、或不利用生地、茯苓、牛膝、黃柏、知母、芎歸、甘草、若頻數而色黃、用四物加知柏、五味、麥冬、元參、若肺氣虛而短少、用補中湯加山藥、麥冬、若熱結膀胱、而不利用五淋散、若脾肺燥不能生化、宜黃芩、清肺飲、若膀胱陰虛、陽無所生、用滋腎丸、若膀胱陽虛、陰無所化、用腎氣丸。

慎齋按、已上四條、序胎前有小便淋瀝之證也。淋有五。丹溪

一主于熱若妊娠淋病產寶良方以虛熱鬱熱屬之膀胱立
齋則又推原肝經有濕熱虛熱之別正以膀胱爲藏溺之器
而出溺之竅則爲足厥陰之部分故欲清膀胱之熱者必兼
疎厥陰之氣也

經論轉胞之證

甲乙經曰胞轉不得溺少腹滿關元主之又曰小便難水脹溺
出少胞轉曲骨主之

轉胞病爲胞系了戾宜利小便

金遺要略曰婦人病飲食如故煩熱不得臥而反倚息者何也

師曰此名轉胞不得溺也以胞系了戾故致此病但利小便則愈宜腎氣丸主之

轉胞病屬飽食用力因合陰陽所致

聖濟總錄曰胞受水液氣不轉行則小腸滿脹或飽食用力或因合陰陽令胞屈辟小便不下遂致胞轉其候水道不通小腹急痛煩悶汗出氣逆奔迫甚至于死名曰胞轉宜速治之

○轉胞病屬忍尿疾走飽食入房所致

楊仁齋曰有胞系轉戾不通不可不辨胞轉證候臍下急痛小便不通凡強忍小便或尿急疾利或飽食忍尿或忍尿入房使

水氣上逆氣逼于胞故屈戾而不得舒張也胞落卽殂

○轉胞病屬強忍房事所致當治氣

王海藏曰轉胞小便非小腸膀胱厥陰受病蓋因強忍房事或過忍小便以致此疾非利藥所能利法當治其氣則愈以沉香木香湯主之

○轉胞病屬飽食氣傷胎系

朱丹溪曰有婦姪孕九月轉胞小便不出下急脚腫不堪活診脈右濇左稍和此飽食氣傷胎系弱不能自舉而下墜壓着膀胱偏在一邊氣急爲其所閉故水竅不能出轉胞之病大率如

此方用參朮陳皮炙草歸芍半夏生薑補血養氣氣血既旺胎
系自舉則不下墜方有安之理頓飲之擦喉令吐藥如是四服
小便通下皆黑水再服腹皮枳殼砂仁青葱二十劑以防產而
安。

轉胞有四證所致宜舉其胎

朱丹溪曰轉胞病胎婦稟受弱者憂悶多者性急躁者食厚味
者大率有之古方皆用滑利疎導藥鮮有效因思胞爲胎所壓
展在一邊胞系了戾不通耳胎若舉起懸在中央胞系得疎水
道自行然胎之墜下必有其由也。

轉胞病脬爲熱所迫

徐春甫曰。轉胞病由脬爲熱所迫。或忍小便。俱令水氣迫于脬。屈辟不得充暢。外水應入不得入。內洩應出不得出。內外壅滯。脹滿不通。故爲轉脬。其狀小腹急痛。不得小便。甚者致死。

○轉胞病屬血少氣多有飲

朱丹溪曰。有姪婦患此。脈之兩手似瀉。重取則弦。此得之憂患。瀉爲血少。氣多弦爲有飲。血少則胞弱而不能自舉。氣多有飲。則中焦不清而隘胞。胞知所避而就下。故墜。以四物加參朮半。夏陳皮。生薑。空心飲之。隨以指探吐藥汁。少頃。又與如是八帖。

而安此法果爲的確否。恐偶中耳。後有數人歷効未知果何如也。

○轉胞病屬血氣虛弱不能上載其胎

朱丹溪曰有妊娠七八月小便不通百醫不能利轉急脹診之脈細弱此血氣虛弱不能上載其胎故胎重墜下壓住膀胱下口因此溺不得出若服補藥升扶胎起則自下因藥力未至愈加急滿遂令老婦用香油塗手自產戶托起其胎溺出如注脹急頓解以大劑參芪服之三日後胎漸起小便如故

轉胞病屬中氣虛怯宜用升舉

趙養葵曰有妊婦轉胞不得小便由中氣虛怯不能舉胎胎壓其胞胞系了戾小便不通以補氣加升舉之藥令下竅通補中湯加減是也

轉胞與子淋有痛不痛兩證不全

證治要訣曰轉胞之說諸論有之以胎漸長且近下逼迫于胞胞爲所逼而側故名轉胞胞卽膀胱也然子淋與轉胞相類但小便頻數點滴而痛者爲子淋頻數出少不痛者爲轉胞間夜微痛終與子淋不同並宜生料五積散五苓散如可膠

慎齋按已上十二條序胎前有轉胞之證也妊娠轉胞甲乙

金匱二條是詳轉胞證候也。而病機所屬則有虛實之分。仁齋以下四條主下忍尿飽食房事。胛熱此實邪爲病也。丹溪以下三條主于血少氣虛。此不足爲病也。胎前轉胞大抵丙氣虛血少。血少則胎無以養。氣弱則胎不能舉。因下墜而壓于膀胱。胞爲之轉。而溺不出。備觀丹溪所論。雖有憂悶性躁厚味諸因。其立方處治。自探吐推托二法外。惟以補氣補血爲主。故立齋云。此證悉如丹溪治法爲當。推廣言之。又以脾胃氣虛不能下輸。膀胱者有氣熱鬱結。膀胱津液不利者有金爲火爍。脾土濕熱甚而不利者。當詳審施治也。

女科經綸卷四

樵李蕭 孺賡六纂著

甥葛滋禹襄

男

鉉律黃

全校

鎰蠡濤

周茂英閒吏

禾郡 朱麟世遜庵

成 蓉珮蒼

黃 銘素愚

仝叅訂

胡吉士祥甫 屠 堡衛公

朱 英雲拔

王 沈宋臣

胎前證 下

經論妊娠舌瘡屬胞之絡脈絕

素問曰、人有重身九月而瘖、此何爲也。曰、胞之絡脈絕也。曰、何以言之。曰、胞絡者繫于腎、少陰之脈貫腎、繫舌本、故不能言。曰、治之奈何。曰、無治也。當十月復。

妊娠不語名、子瘖不須藥

大全曰、孕婦不語、非病也。間有如此者、不須服藥。臨產月、但服保生丸、四物湯之類、產下便語、得亦自然之理、非藥之功也。醫者不說與人、臨月以尋常藥服之、產後能語、以爲醫之功、豈其功也哉。博陵醫之神者曰、郝翁士有一婦人、妊暗、黑不能言。郝曰、兒胎大經壅、兒生經行、則言矣。不可毒以藥。

薛立齋曰內經窮理之言人有患此當調攝以需之不必驚
畏而泛用藥也。

妊娠子瘖以降心火清肺金爲治

張子和曰婦人重身九月而瘖者是胷之絡脈不相接也經曰
無治雖有此論可煎玉燭散二兩放冷入蜜少許時呷之則心
火下降而肺金自清故能作聲也。

妊娠子瘖治當補心腎

馬立臺曰經云婦人重身九月而瘖者胞之絡脈絕也無治當
十月復方論人之受孕一月肝經養胎二月膽經養胎三月心

經養胎四月小腸經養胎五月脾經養胎六月胃經養胎七月
肺經養胎八月大腸經養胎九月腎經養胎十月膀胱經養胎
先陰經而後陽經始于木終于水以五行之相生言也然以理
推之手足十二經之脈晝夜流行無間無日無時而不共養胎
氣也必無分經養胎之理今日九月而瘖時至九月兒體已長
胞絡宮之絡脈繫于腎經者阻絕不通故間有之蓋腎經之脈
下貫于腎上繫舌本脈道阻絕則不能言故至十月分娩後自
能言不必治治之當補心腎爲宜大奇論以胞精不足者善言
爲死不言爲生此可驗九月而瘖非胞精之不足故十月而復

也

張嶠璜按瘖謂有言而無聲。故經曰不能言。此不能二字非絕然不語之謂。凡人之音生于喉。嚨發于舌本。因胎氣肥大阻腎上行之經。以腎之脈入肺中。循喉嚨繫舌本。喉者肺之部。肺主聲音。其人切切私語。心生有言而人不能聽。故曰瘖。肺腎子母之臟。故云不必治。若大全解作不語。則爲心病。以心主發聲爲言也。與子瘖了不相干。若子和有降心火之說。玄臺有補心腎之言。如果腎之脈絡絕而上于心。則其病不治。豈有產後自復之理乎。故經云胞之絡脈絕。此絕字當作

阻字解

慎齋按已上四條序胎前有子瘖之證也。妊娠不語。遵內經之旨。固無治法。故大全而下。後人不敢強立方論。獨子和以降心火爲治。立臺以補心腎立法。則以胞之絡脈屬手足少陰二經故也。但產後不語屬敗血之入心中風舌瘖屬痰涎之滯絡。則胎前子瘖亦必有所感。更當詳證參治以補張馬二公之未盡。若子瘖用玉燭散似屬無理。

○。○。妊娠中風宜養血以安胎爲主

薛立齋曰按機要云風本爲熱熱勝則風動宜靜勝其燥是養

血也。治法宜少汗。亦宜少下。多汗則虛衛多。下則損榮。雖有汗下之戒。而有中腑中臟之分。中腑者多着四肢。則脈浮惡寒拘急不仁。中臟者多着九竅。則唇緩失音耳聾鼻塞目瞽便秘。中腑者宜汗。中臟者宜下。表裏已和。宜治在經。當以大藥養之。妊娠患之。亦當以此施治。佐安胎之藥爲主。勿過用治中風藥。

妊娠風瘧爲子癇屬體虛受風

陳長甫曰。妊娠體虛受風。傷足太陽經絡。復遇風寒相搏。則口禁背強。甚則腰友張。名曰瘧。其候胃悶不識人。須臾自醒。良久復作。謂之風瘧。一名子癇。

子癇分諸證用藥之法

薛立齋曰前證若心肝風熱用鈎藤湯肝脾血虛加味逍遙散肝脾鬱怒加味歸脾湯氣逆痰滯紫蘇飲肝火風熱鈎藤湯脾鬱痰滯二陳加竹瀝薑汁

○ 妊娠瘕瘕屬心肝二經風火相熾

薛立齋曰瘕者筋脈急而縮瘕者筋脈緩而伸一伸一縮手足相引搖擗此證多屬風蓋風主搖動駱龍吉云心主脈肝主筋心屬火肝屬水火主熱木主風風火相熾則爲瘕瘕治法若因風熱鈎藤湯加梔柴芩木以平肝木降心火養氣血若風痰上

湧加半夏南星竹瀝若風邪急搐加全蝎天虫若氣血虧損八
珍湯加鈎藤山梔若無力抽搐戴眼反折汗出如油者肺絕也
不治

慎齋按已上四條序胎前有中風證而風痙子癇瘈瘲其類
及也中風證多因治法亦不一立齋以潔占一論爲妊娠中
風治法惟靜勝其燥養血爲主斯爲療胎前中風之要夫胎
之賴以養者血也血虛則易于感邪血行風自滅丹溪于胎
前惟清熱養血爲主立齋祖之引機要一條爲証論誠有本
矣

慎齋再按胎前中風此正河間所謂將息失宜腎水衰而心
火旺肝無所養是非外中風邪急當滋其化源瀉南補北壯
水制火則肝木自平胎氣可安恐養血猶屬第二義也

妊娠感寒咳嗽爲子嗽

陳自明曰肺內主氣外司皮毛皮毛不密寒邪乘之入射于肺
則咳嗽夫五臟六腑俱受氣于肺各以其時感于寒而爲病秋
則肺受之冬則腎受之春則肝受之夏則心受之長夏則脾受
之嗽不已則傳于腑妊娠而嗽謂之子嗽久嗽不已則傷胎

○ ○ 妊娠咳嗽屬肺燥鬱熱

朱丹溪曰胎前咳嗽由津血聚養胎元肺乏濡潤又兼鬱火上炎所致法當潤肺為主天冬湯主之

○ ○ 妊娠咳嗽分證用藥之法

薛立齋曰前證若秋間風邪傷肺金沸草散夏間火邪剋金人參平肺散冬間寒邪傷肺人參敗毒散春間風邪傷肺參蘇飲若脾肺氣虛六君子加歸芎桔梗若血虛四物加桑皮杏仁桔梗腎火上炎六味九加五味脾胃氣虛爲風寒所傷補中湯加桑皮杏仁桔梗蓋肺屬辛金生干已土嗽久不已多因脾虛不能生肺氣腠理不密致外邪復感或因肺虛不能生水致陰火

上炎治法當壯土。金生腎水以安胎爲要。

慎齋按已上三條序胎前有咳嗽證也。咳嗽屬肺病。大全主于外感寒邪。丹溪主于內傷肺燥。若立齋則分四時所感五臟均受。有風寒火之不全。外感內傷之各別。雖不揣屬胎前咳嗽論。而治法無殊。總兼安胎爲主也。

○ ○ 娠傷寒以清熱安胎爲主

萬密齋曰。娠傷寒專以清熱安胎爲主。或汗或下。各隨五臟表裏所見脈證主治。勿犯胎氣。

娠傷寒不可犯胎

吳蒙齋曰。妊娠傷寒六經治例皆同。但要安胎爲主。凡藥中有犯胎者不可用也。如霍香正氣散十味芎蘇散參蘇飲小柴胡湯之類。有半夏能犯胎。如用須去之。如桂附硝黃等藥皆動胎。凡用必須斟酌。大抵妊娠傷寒合用湯劑必加黃芩白朮能安胎。或與此二味煎湯與之。如妊婦素稟弱者。藥中四物佐之。不可缺。如用小柴胡去半夏加白朮。合四物湯用之。可以保胎除熱。其効如神。餘倣此用之。則妙矣。

慎齋按。白朮黃芩爲安胎之聖藥。此丹溪之妙論也。丹溪以胎前須清熱。故用黃芩。胎前須健脾燥濕。故用白朮。若妊娠

傷寒爲三陽經病。如頭痛惡寒發熱。白朮可遽用之乎。而謂其保胎除熱。是關門趕賊矣。

妊娠傷寒用六合湯法

醫壘元戎曰。胎前病。惟當安胎順氣。若外感四氣。內傷七情。以成他病。治法與男子無異。當于各證類中求之。但胎前病動胎之藥。切須詳審。當以四物湯加減六合湯。

慎齋按。已上三條。序胎前有傷寒證也。傷寒六經傳變。婦人與男子無殊。惟妊婦患此。其用藥汗下溫之中。當以保胎爲主。其一切犯胎之藥。當酌之。不可云有故無殞。而毒藥亂投。

以致傷胎天柱也。

○ ○ 妊娠瘧疾寒熱屬氣血虛損所致

產寶百問曰瘧者寒熱之疾皆因于風寒也。風爲陽邪化氣而爲熱寒爲陰邪化氣而爲寒陰陽相友邪正更作或陰併于陽則陰實陽虛若陽併于陰則陽實陰虛或先傷于風後傷于寒則先熱後寒或先傷于寒後傷于風則先寒後熱作止有時故名爲瘧。經云夏傷于暑秋必病瘧此因暑氣所傷也。若妊娠寒熱皆因氣血虛損風寒乘之致陰陽并挾寒熱互見。經云陽微惡寒陰弱發熱此皆虛之所致不因暑氣所作若寒熱不已熏

蒸其胎胎必傷。人參羌活湯主之。

妊娠瘧疾用藥以安胎爲主

何松庵曰。妊娠病瘧寒熱俱作。氣爲陽。陽虛則惡寒。血爲陰。陰虛則發熱。蓋懷胎最怕寒戰。筋骨皆振。易動其胎。用藥者必以安胎爲首務。蓋脾胃虛弱。飲食停滯。或爲暑邪所感。六君子加桔梗。蒼朮。藿香。若外邪多。飲食少。藿香正氣散。外邪少。飲食多。人參養胃湯。去半夏。熱多寒少者。清脾飲。去半夏。虛者用四獸飲。四君子加陳皮。半夏。草果。大棗。若久不愈。六君子爲主。佐以安胎藥。

妊娠卽瘧屬肝虛血燥

趙養葵曰有患胎瘧者一遇有胎瘧病卽發此人素有肝火遇有孕則水養胎元肝虛血燥寒熱往來似瘧非瘧也以逍遙散清肝火養肝血兼六味丸以滋化源

慎齋按已上三條序胎前有瘧疾證也。妊娠瘧疾或有風寒暑熱之邪或有氣血虛損之候。寒熱交作。額戰股慄。百節振搖。墮胎最易。故古人用藥先以安胎爲急。但邪不去則胎亦未必安。故安胎莫先于去邪。而去邪如常山、草果、檳榔、厚朴、麻桂、大黃。又未可投浪。惟發表之中兼補氣。清熱之中兼養

血爲富耳。

妊娠痢疾屬飲食生冷。

陳良甫曰：妊娠飲食生冷，脾胃不能剋化，致令心腹疼痛。若血分病則色赤，氣分病則色白，血氣俱病則赤白相雜。若熱乘大腸，血虛受患，則成血痢矣。

妊娠痢疾屬相火上炎。

壺仙翁曰：有婦妊娠病痢不止，診其脈虛而滑，兩關若瀉。此由胎氣不和，相火上炎，而有熱似痢，實非痢也。用黃芩、白朮以安胎，四物生地以調血，數劑而安。

再四回對痢屬下元氣虛

木齋曰有婦妊娠久痢用消導理氣之劑腹內重墜胎氣不安又用阿膠艾葉之類不應此腹重墜下之氣虛也胎動不安內熱盛也用補中湯而安又用六君子湯全愈

妊娠下痢黃水屬脾虧氣陷

薛立齋曰妊娠痢下黃水乃脾土虧損真氣下陷也當升補中氣若黃而兼青乃肝木剋脾土宜平肝補脾若黃而兼白乃子令母虛須補脾肺若黃而兼黑是水反侮土必溫補脾腎若黃而兼赤乃心母益子但補中益氣若腸胃虛弱風邪客之用胃

風湯或脾氣不安急補脾胃自安凡安胎之藥當臨病制宜不必拘用阿膠艾葉之類

慎齋按已上四條序胎前有痢疾證也胎前痢亦有暑邪濕熱外感致病不可端主飲食生冷爲患但妊娠痢疾本于脾胃不和因而氣血受病氣傷則白血傷則赤若守河間之法降氣後重自除行血便膿自止不知胎前之氣果可降乎氣降則胎下墜胎前之血果可行乎血行則胎必墮莫若多用木香以調氣多用當歸以養血此二藥乃爲胎前痢疾妙劑再以四物倍白朮黃芩丹溪所謂先托住正氣以固其胎而

後順氣和血佐以消積導滯此治妊痢之要法也。

妊娠霍亂屬飲食風冷

大全曰飲食過度觸冒風冷陽陰不和清濁相干謂之霍亂其間或先吐或腹痛吐痢是因於熱也若頭痛體疼發熱是挾風邪也若風折皮膚則氣不宜通風熱上衝爲頭痛若風入腸胃則泄痢嘔吐甚則手足逆冷此陽氣暴竭謂之四逆妊娠患之多致傷胎。

立齋按前證若因內傷飲食外感風寒用藿香正氣散若因飲食停滯用平胃散若果脾胃頓傷陽氣虛寒手足逆冷者

須用溫補之劑。治當詳審。毋使動胎也。

妊娠霍亂吐利邪氣易傷胎元

萬密齋曰。霍亂者。陽明胃經之病名也。因平日五味肥釀。腐積成痰。七情鬱結。氣盛爲火。停畜胃中。乍因寒熱之感。邪正交爭。陰陽相混。故令心腹絞痛。吐痢並作。揮霍變亂。如邪在上。胃脘則當心而痛。其吐多。邪在下。胃脘則當臍而痛。其利多。邪在中。脘其腹中痛。吐痢俱多。吐多則傷氣。利多則傷血。血氣受傷。不能護養其胎。邪氣鼓擊胎元。母未有不殞者。此危證。不可不亟治。宜香蘇散。加霍香葉主之。

慎齋按已上二條序胎前有霍亂證也。妊娠霍亂吐利絞痛最易傷胎。故胎前霍亂宜辨飲食生冷暑濕風寒四氣之感。隨其邪之所湊治之。而以保胎為主也。

妊娠泄瀉見證用藥治法

大全曰。妊娠泄瀉。或青或白。水穀不化。腹痛腸鳴。謂之洞泄。水穀不化。喜飲嘔逆。謂之協熱下利。並以五苓散利小便。次以黃連阿膠丸。或三黃熟艾湯以安之。若瀉黃有沫。腸鳴腹痛。脈沉緊數。用戊己丸和之。愛腐不食。胃脈沉緊。感應丸下之。後調和脾胃。若風冷水穀不化。如豆汁。用胃風湯。寒冷。臍下陰冷。洞泄。

用理中湯治中湯。伏暑煩渴瀉水。用四苓散。傷濕泄瀉。小便自利。用不換金正氣散。胃苓湯。此四證之大略也。

慎齋按泄瀉之證多因有內外之合邪。有虛實之不全。况胎前泄瀉尤宜審因詳證。豈四證足以盡之乎。抑四證可執定數方以施治乎。

妊娠泄瀉分因用藥之法

薛立齋曰泄瀉若米食所傷六君子加穀芽麩食所傷六君子加麥芽肉食所傷六君子加山查若兼寒熱作嘔乃肝木侮脾土六君子加柴胡生薑兼嘔吐腹痛手足逆冷乃寒水侮土六

君子加薑桂不應錢氏益黃散若元氣下陷發熱作渴肢體倦
怠補中湯若泄瀉色黃乃脾土真色六君子加木香肉果若作
嘔不食腹痛惡寒乃脾血虛寒六君子加木香薑桂若瀉在五
更侵晨飲食少食乃脾腎虛弱五更服四神丸日間服白朮散
如不應或愈而復作或飲食少思急用八味丸補命門火以生
脾土爲善

慎齋按已上二條序胎前有泄瀉證也。妊娠泄瀉必原其由。
大抵不外脾腎二臟虛者居多。夫血統于脾。血擁胎元。則脾
陰虛而食不運化。水穀難消。而作瀉。胎繫于腎。腎氣弱。命門

火衰胎竊其氣以擁護而腎間之陽不能上蒸脾土則爲瀉。此妊娠泄瀉之由也。雖其間不無風寒暑濕之外感。飲食生冷之內傷。而屬於脾腎有虧者其本也。大全漫序四證爲妊娠泄瀉大略。已屬草率無理。立齋又以大概泄瀉證候分配某證用某藥爲治。此膠柱鼓瑟。印定後人眼目。予不能無議者也。

妊娠傷食屬於飲食不節

大全曰。經云。飲食自倍。腸胃乃傷。又云。陰之所生。本在五味。陰之五官。傷在五味。若妊娠飲食不節。生冷毒物。恣性食啖。致傷

脾胃故妊娠傷食最難用藥惟木香丸白朮散二方最穩

妊娠傷食分證用藥之法

薛立齋曰東垣云脾胃之氣壯則過時而不飢多食而不傷蓋胃主司納脾主消化五臟之本也食倍而傷者脾氣虛而不化也若投以峻劑則脾胃復傷而胎亦損當審所因調治若飲食停滯或腹痛乎胃散嘔吐惡心加枳殼砂仁吞酸噯腐加黃連吳茱腹滿泄瀉六君子湯停肉食加山查麩食加麥芽卜子糯食加白酒麩米食加穀芽魚腥傷倍陳皮傷辛熱之物加黃連傷生冷之物加砂仁木香大凡脾胃虛弱飲食難化以白朮陳

皮爲未神曲丸最穩。枳殼丸可暫用。枳實峻厲。能耗真氣。治者慎之。

慎齋按已上二條。序胎前有傷食證也。妊娠傷食。多由脾胃虛弱。不能運化。况胎以脾胃爲主。脾胃強。則胎系如懸鐘。而不墜。若傷食不化。則脾困而胎不能固。故凡消食導滯。先以補脾健胃爲主。則飲食自化。一切峻厲剋伐之藥。未可浪投。以傷胎氣。觀立齋一條。得其本矣。

妊娠吐血屬臟腑有傷。氣逆于上。

大全曰。妊娠吐血者。皆由臟腑有傷。凡憂思驚怒。皆傷臟腑。氣

逆干上血隨而溢心悶滿煩久而不已多致墮胎

妊娠吐血分證用藥之法

薛立齋曰妊娠吐血若肝經怒火先用小柴胡山梔生地次用四物加味逍遙散若肝經風熱者防風子芩丸心經有熱者朱砂安神丸心氣不足者補心湯思慮傷心者妙香散胃經有火者犀角地黃湯膏粱積熱者加味清胃散肺經有火者黃芩清肺飲氣不攝血用補中湯腎經虛火者加味六味丸

慎齋按已上二條序胎前有吐血證也吐血證或七情內傷或六淫外感皆足致失血之患而妊娠吐血一主火熱者正

以氣血壅養胎元。或有所感。則氣逆而火上乘。此立齋分證。獨主火論也。但火有虛實之分。實火當清熱以養血。虛火當滋陰以補水。則胎安而可固。若執以尋常治血之法。用行血消血之劑。胎必墮而禍不旋踵矣。

妊娠喘息屬肺隘氣爭

產寶百問曰。胎前喘息。皆由榮衛之氣流行失度。氣經于臟。臟不能受。諸氣上併于肺。肺隘而氣爭。故令喘。其始得之。或因恐墜。則精却。却則上焦閉而氣不行。則留于肝。肝乘于肺。此喘出于肝也。或因驚恐。驚則心無所依。神無所歸。氣亂于中心。乘于

肺此喘出於心也。或因墮水跌仆，腎氣暴動傷而不通，氣留于腎。腎氣上乘于肺，此喘出于腎也。或因飽食過傷，動作用力，穀氣不行，脾氣逆肺，此喘出于脾也。諸臟相乘爲喘，名各不全。

妊娠胎逆作喘屬于火

朱丹溪曰：妊婦因火動胎逆，上作喘急者，用條芩、香附爲末，水調服。

妊娠作喘屬毒藥傷胎

呂滄洲曰：有婦胎死于腹，病喘不得卧，醫以風邪傷肺治之，診其脈氣口盛人迎一倍，左關弦動而疾，兩尺俱短而離經，因曰：

病益得之毒藥動血以致胎死不下。奔迫而上衝。非風寒作喘也。大劑芎歸湯加催生藥服之。夜半果下一死胎而喘止。其夫曰病妾誠有懷以室人見嫉。故藥去之。衆所不知也。

慎齋按已上三條序胎前自喘證也。內經論喘屬于肺經爲病。若妊娠氣喘有乍感風寒而不得卧者。客邪勝也。發散自愈。參蘇飲主之。三拗湯在所斟酌。若脾虛四肢無力。肺虛不任風寒。腎虛腰痠。短氣不能步。猝然氣喘不息。此脾肺素虧。母虛子亦虛。腎氣不歸元而上乘于肺也。生脈散補中湯去升柴加沉香補骨主之。產寶一條是泛論喘證有五藏相乘。

非論胎前病也。丹溪火動作喘，此胎前最多。至于毒藥傷胎，病喘時俗往往有之。病機之不可不察者也。

婦人無故悲傷屬于臟燥

張仲景曰：婦人臟燥，悲傷欲哭，象如神靈所作。數欠伸，甘草小麥大棗湯主之。

婦人臟燥悲傷治驗

許學士曰：有一婦人，數次無故悲泣不止。或謂有崇，祈禳請禱，備至終不應。予憶金匱有此證，急治藥盡劑而愈。古人識病制方，種種妙絕如此。

妊婦臍燥悲傷治驗

陳良甫日記管先生治一妊娠四五月臍燥悲傷遇晝則慄慄淚下。如有所憑。與仲景大棗湯而愈。

妊婦悲哀煩燥證用藥法

薛立齋曰。有一妊婦悲哀煩燥。其夫詢之。云我無故。但欲自悲耳。用仲景方。又用淡竹茹湯。佐八珍湯。但前證或因寒水攻心。或肺有風邪者。宜審察治之。

慎齋按。已上四條。序臍燥悲傷證。仲景學士二條。是概病機也。良甫立齋二條。方主妊娠見證。無故悲傷屬肺病臍燥者。

肺之臟燥也。胎前氣血壅養胎元，則津液不能充潤而肺爲之燥。肺燥當補母，故有甘草大棗以補脾。若立齋用八珍湯補養氣血，真佐前人未盡。

妊娠腹內鐘鳴

大全曰：孕婦腹內鐘鳴，用鼠窟前後土爲細末，研麝香酒調下，立愈。

妊娠腹內兒哭

產寶曰：腹中臍帶上疙瘩，見含口中，因妊婦登高舉臂，脫出見口，以此作聲，令妊婦曲腰就地，如拾物狀，仍人見口卽止。又云

孕婦腹中兒哭治法亦用空房中鼠穴土全川黃連濃煎十飲之卽止

慎齋按孕婦腹內鐘鳴卽是兒哭證全類故大全治法亦無異立齋云黃連性寒麝香開竅當酌用究竟此作何證凡病能有靈素不載而後人以意治之不可泐解者此類是也

妊娠胎動腹痛諸因

產寶百問曰胎動腹痛其理不一緣飲食冷熱動風毒物或因交接動搖骨節傷犯胞胎其候多嘔氣不調和或服熱藥太過氣血相干急服順氣安胎藥不然變成胎漏難安矣

傷墮。若面赤舌青是兒死也。面青舌赤吐沫是母死也。唇口色青兩邊沫出是子母俱死。須察治之。

慎齋按。已上三條。序妊娠有胎動不安證也。妊娠胎動不安。必有其由。產寶二條。原其因也。良方三條。是驗胎動有死生之法也。

妊娠胎動與胎漏之辨

女科正宗曰。胎動與胎漏。皆下血。胎動則腹痛。胎漏無腹痛。故胎動宜行氣。胎漏宜清熱。蓋緣子宮久虛。致令墜胎。其危同于風燭。非正產可比。急以杜仲丸預服。

妊娠墜仆傷胎

大全曰、妊娠驚胎者、乃懷娠將滿、胎神已具、墜仆傷胎、甚至下血不醒、若欲驗子母安否、當參前論治之。

妊娠熱病傷胎

陳良甫曰、凡妊娠患熱病、臟腑熏灼、其胎致灰、身冷而胎不自出、服黑神散、煖其胎、氣溫卽自下。藥用附子、桂心、乾薑、當歸、生地、白芍、黑豆。

妊娠挾病傷胎

大全曰、妊娠羸瘦、或挾疾病、臟腑虛損、氣血枯竭、旣不能養胎。

致傷胎氣不固終不能安者可下之免害妊婦
慎齋按既云臟腑虛損氣血枯竭而遽云下之以免害妊婦
獨不顧披枝傷根之患乎

妊娠築碁傷胎

大全曰妊娠五七月因事築碁着胎或子死腹中惡露已下疼
痛不止口噤欲絕用神妙佛手散探之若不損則痛止子母俱
安若損胎立便逐下又名芎藭湯又云此藥太傷胎去血多神
効

妊娠毒藥傷胎見證不可作中風治

捷徑方曰治毒藥攻胎藥毒衝上外證牙關緊急口不能言兩
手強直握拳自汗身微熱與胎前中風相似但其脈浮而軟十
死一生醫多不識若作中風治之必死用白扁豆二兩生去皮
爲末汲新水調下卽効

妊娠毒食傷胎

捷徑方曰妊婦或食毒物。或悞服草藥。傷動胎氣。下血不止。胎
尚未損服之可安。已死服之可下。用桂桃仁丹皮赤芍茯苓名
奪命丸。淡醋湯下。丹溪亦稱其妙。

慎齋按已上七條序胎前有傷胎證也。妊娠懷胎或飲食不

慎起居不時。則有傷胎之患。而胎之傷也。不一。有驚恐墜仆。有熱病諸疾。有築碯毒藥。毒食種種。均足致胎之傷。此非脈之可憑。必須醫者數問。以悉其情。而後可以審證施治也。

○子死腹中。分寒熱用藥下法論

聖濟總錄曰。胞衣未下。急于胎之未生子。死腹中。危于胎之未下。蓋胞衣未下。子與母氣通其呼吸。若子死腹中。胞臟氣寒。胎血凝滯。氣不升降。古方多以行血順氣藥。及硝石水銀礪砂之類。若胎已死。軀形已冷。血凝氣聚。復以至寒之藥下之。不惟無益。而害母命者多矣。古人用藥。淡于用意。子死之理。有二端。用

藥寒溫各從其宜。有妊娠胎漏血盡子死者。墜墮顛仆。有內傷子死者。有久病胎萎子死者。以附子湯進三服。使胞臟溫煖。疑血流動。蓋附子能破寒氣。墮胎此用溫藥之意也。有因傷寒熱病溫瘧之類。胎受邪熱毒氣。內外交攻。因致胎死。留于胞臟。古人慮胎受毒氣。必脹大。故用朴硝水銀礪砂之藥。不惟使胎不長。又能使胎化爛。副以行血順氣之藥。死胎卽下也。

妊娠胎病宜下

陳良甫曰。人之胃氣壯實。沖任榮和。則胎得其所。如魚處淵。若氣血虛弱。無以滋養。其胎終不能成。宜下之。以免其禍。

藥
妊娠死胎用牛膝

證治要訣曰。有胎漏不止。欲因其勢。遂下之。惟佛手散可安。卽安。不可安。卽下。順其自然。醫者檢方用牛膝一兩。酒煎服。謂牛膝補下部藥。用之何害。服之未下。又進桂香散。血遂暴下如決。煎獨參湯未成而卒。或問牛膝補藥。而能墮胎。何也。曰。生則宜而熟則補。故破血之與填精。如箭鋒相射。豈獨牛膝哉。鹿角亦墮胎破血。煎爲白膠。則安胎止血。因其熟而信其生。此之謂粗工。著以爲世戒。

慎齊按。已上三條。序胎傷用下。恐有誤下之戒也。妊娠胎傷。

宜下下法最宜謹不可輕議如胎死腹中必先驗舌青腹冷
口穢的確方可用下亦必先固妊婦本元補氣養血而後下
之若偶有不安未能詳審遽用峻厲攻伐能免不測之禍此
要訣云順其自然四字最妙立齋亦云胎果不能安者方可
議下慎之慎之前賢之垂戒深矣

妊娠墮胎分月數調養

巢元方曰妊娠受胎在腹七日一變今婦人墮胎在三月五月
七月者多在二月四月六月者少臟陰而腑陽三月屬心五月
屬脾七月屬肺皆在五臟之脈陰常易虧故多墮耳如在三月

脾

心

肝

養胎

曾墮。後受孕至三月亦墮。以心脈受傷也。先須調心。五月七月亦然。惟一月墮胎人皆不知也。一月屬肝。怒則多墮。洗下體則竅開亦墮。一次既墮。肝脈受傷。下次亦墮。今之無子者。大半是一月墮胎。非盡不受孕也。故凡初交後。最宜將息。勿復交接。以擾子宮。勿令勞怒。勿舉重。勿洗浴。又多服養肝平氣藥。則胎固矣。

妊娠墮胎屬中衝脈傷

孫千金曰。凡女人受孕。經三月而墮者。雖氣血不足。乃中衝脈有傷。中衝脈。卽傷明胃經。供應胎孕至此時。必須節飲食。絕慾。

戒怒庶免墮胎之患

妊娠墮胎屬心包脈虛

潘頌甫曰巢氏論諸經脈養胎各三十日而十二經中獨心與小腸不養胎何也心為牡臟小腸為腑主生血而合脈經曰臟真通于心心藏血脈之氣也有孕則經脈不通許學士所謂閉經以養胎是也是知胎以血為本始終皆在于心自不當以輸養分次第矣三月之時心包絡養胎靈樞云心包主脈若分氣及胎脈必虛代經云心合脈蓋心與包雖分二經其實原屬一臟故也若至期當養之經虛實不調則胎不安甚則下血而墮

矣。

妊娠墮胎屬風冷乘子宮

齊仲甫曰。婦人血氣調和。胎氣乃安。若血氣虧損。子宮爲風冷所乘。致榮虧衛弱。不能陰養其胎而墮。假令妊娠三月。當手心主包絡養之。如不善攝生。傷其經。則胎必墮。後有娠。至其時復墮。如妊娠腰常痛。須防墮胎。腰爲腎腑。女子以繫胞故也。

○ ○ 妊娠胎墮屬血虛內熱

朱丹溪曰。陽施陰化。胎孕乃成。血氣虛損。不足以榮養其胎。則自墮。譬如枝枯則果落。藤萎則花墜。或勞怒傷情。內火便動。亦

能墮胎正如風撼其樹人折其枝也。火能消物造化自然病源。乃謂風冷傷子臟而墮。此未得病情者。也有孕婦至三四月心墮。其脈左手大而無力。重取則澹。知血少也。止補中氣。使血自榮。以白水濃煎下黃芩末。數一則而安。因思胎墮于內。熱而虛者。爲多曰熱。曰虛。當分輕重。蓋孕至三月上屬相火。所以易墮。不然黃芩熟艾阿膠。何爲安胎妙藥耶。

妊娠墮胎屬性躁少陽火動

汪石山曰。有婦性躁急。常患墮胎。已七八。診其脈皆柔軟無力。兩尺雖浮而弱。不任循按。此因墮胎太多。氣血耗甚。胎無滋養。

故頻墮也。譬之水潤而禾枯，土削而木剝。况三月五月正屬小陽火動之時，加以性躁而急，故墮多在三五七月也。宜大補陰湯去桂，加芩、栝、蜜丸服之。

○ 妊娠胎墮屬相火傷精

朱丹溪曰：有婦經住，或成形未具，其胎必墮。察其性急多怒，色黑氣實，此相火太盛，不能生氣化胎，反食氣傷精，故也。

○ 妊娠胎墮屬子宮真氣不全

朱丹溪曰：有婦經住三月後，尺脈或濇，或微弱，其婦却無病，知是子宮真氣不全，故陽不施，陰不化，精血雖凝，終不成形，至產。

血塊或產血胞也。惟脈洪盛者胎不墮。

○○○ 妊娠胎墮之因有五。由氣血虛不能榮養胎元。王海藏曰。墮胎皆由氣血虛損不能榮養胎元而墮。或七情太甚。內火發動。火能消物而墮。或過傷勞役。飢飽動胎而墮。或過于房事。觸動其胎而墮。或勞力跌撲。閃挫傷動其胎而墮。或大怒悲哀。傷動心肝之血而墮。然小產重于大產。由于胎臟損傷。胞繫腐爛故也。治宜補虛生肌肉。養臟氣。生新血。去瘀血爲主。或素有墮胎之患者。宜按證治之。

○○ 妊娠墮胎先補脾胃

王節齋曰：婦人墮胎，多在三五七月。除跌撲損傷外，若前次三月而墮，則下次亦必如期而墮。故于產後須多服養氣血之劑，以固胎元而補其虛。如養胎全在脾胃，譬猶鐘懸于梁，梁軟則鐘下墜，折則墮矣。故白朮爲補脾安胎之要藥也。若因氣者，多加砂仁、少佐木香以行氣。

慎齋按：已上十條，序胎前有墮胎證也。妊娠墮胎，有客邪外傷而墮者，有氣血虛弱而墮者，有勞力房事動火而墮者，前條已備病機之要，而保胎之法，節齋之論在養脾胃，其本也。莫若干金保胎丸，用白朮、黃芩、熟地、當歸、杜仲、續斷、阿膠、香

附益母川芎陳皮砂仁艾葉棗肉丸一方爲最妙趙養葵得
其意以六味丸加杜仲續斷阿膠五味急滋腎水以固胎元
正以胎繫于腎腎氣壯則胎固而可安此正補脾不如補腎
之要妙也

○○墮胎後有下血不止血凝不出二證

齊仲甫曰血寒則凝血溫則散若墮胎損經其血不止或不出
一則因熱而行一則氣虛不斂瀉血多者必煩悶而死或因風
冷墮胎血冷相搏氣虛血逆上則血結不出搶上攻心則煩悶
而死當溫經逐寒其血自行若血淋瀝不止是衝任氣虛不能

約制故也。宜膠艾湯加伏龍肝散。

○ ○ 墮胎後下血不止宜補胃氣

陳良甫曰墮胎後復損經脈下血不止甚則煩悶至死皆以調補胃氣為主。

慎齋按已上二條序墮胎之後有下血不止有血凝不出二證也。墮胎而血出過多不止者經脈損而衝任之氣虛而不攝是不足病也。法當大補氣血以固其脫。墮胎而血凝不行作痛者外邪乘而敗濁之血閉而不流是有餘病也。法當導瘀消畜以溫其經。不特墮胎爲然也。卽產後見是證亦宜以

此治之

○半產屬衝任氣虛胎元不固

武叔卿曰。妊娠日月未足。胎氣未全而產者。謂之半產。蓋由妊婦衝任氣虛不能滋養胎元。胎氣不固。或顛撲閃墜。致氣血損動。或因熱病溫瘧之類。仲景謂虛寒相搏。此名為革。婦人則半產漏下是也。

○小產由于慾動火擾

產寶百問曰。驢馬有孕牡者。近身則蹄之。名爲護胎。所以絕無小產人之胎。係胞中氣血養之。靜則神藏。慾火一動。則精神走。

泄火擾于中則胎墮矣種玉者知慾而不知忌可不慎哉
戴景元曰婦人覺有娠男卽不宜與接若不息主半產蓋女
與男接慾動情勝亦必有所輸泄而子宮不閉固多致半產
女科書俱無此論可謂發前人未發

小產有三因之感戒服熱藥

便產須知曰半產俗呼爲小產或三月四月或五月六月皆爲
半產以男女成形故也或因憂恐悲哀暴怒或因勞力打撲損
動或因觸冒風寒暑熱大忌黑神散熱藥轉生他病宜玉燭散
和經湯之類蓋小產不可輕視將養十倍于正產可也

慎齋按。妊娠有三因之感。黑神散固在所忌。而玉燭散亦未便可服也。

婦人半產誤用寒藥。損治宜活血升舉論。

李東垣曰。婦人分娩。半產漏下。昏冒不省。瞑目無知。蓋因陰血暴亾。有形血去之後。則心神無所養。心與包絡者。君火相火也。得血則安。亾血則危。火上熾。故令人昏冒。火乘肺。故瞑目不省。人事是陰血暴亾。不能鎮撫也。血已虧損。醫反用滑石甘草石膏辛甘大寒之藥。瀉氣中之熱。是血虧瀉氣二者俱傷。反成不足。虛勞病。夫昏迷不省者。上焦心肺之熱也。爲無形之熱。而用

寒涼之藥驅令下行豈不知上焦之病悉屬於表乃陰證也汗之則愈今反下之暴虧氣血生命豈能久長又不知內經有云病氣不足宜補不宜瀉瞑目合眼之病悉屬於陰宜汗不宜下又不知傷寒鬱昌得汗則愈是禁寒涼藥也分娩半產本氣不病是暴去有形之血亡血則補血又何疑焉補血則神昌血下降亡當補而升舉之心得血則能養而神不昏血暴降下是秋冬之令太旺今舉而升之以助其陽則目張而神不昏迷矣今立方生熟地四物加紅花細辛蔓荊羌防升柴葛根藁本甘草補血養血生血益陽以補手足厥陰之不足名全生活血湯

慎齋按東垣先生之論至妙。但半產病昏迷不省。謂上焦心肺表病。而曰汗之則愈。引傷寒鬱冒證。以得汗爲愈。作半產證治法。豈不知亡血家不可發汗之義。且立方風藥倍多于血藥。且云升舉其陽之意。又不用一味氣藥。以益血之脫。是不能無疑于此論也。俟正之。

小產用藥之法

薛立齋曰。小產重于大產。大產如粟熟自脫。小產如生採破其皮殼。斷其根蒂也。但人輕忽。致死者多。治法宜補形氣。生新血。去瘀血。若未足月痛而欲產。芎歸補中湯倍加知母止之。若產

而血不止。人參黃芪湯補之。若產而心腹痛芎歸湯主之。胎氣弱而小產者八珍湯固之。

齋按已上五條序胎前有半產證也。妊娠半產非七情六淫勞役房室則無是患。故用藥與正產無殊。總不外丹溪大補氣血爲主一論也。然墮胎與半產證有別。如一月二月三月四月胎未成形而下者名曰墮胎。至五月六月七月八月胎形而下者名曰半產。墮胎總屬妊婦氣血虛弱衝任經。女千金保胎丸一方最妙。而趙養葵以六

五

爲安胎之聖藥。此傳心之秘典也。

婦人懷胎有未八月而產有過期而不產

婦人良方曰婦人懷胎有七月八月而產者有至九月十月而產者有經一年二年乃至四年而後產者各依法治之

婁全善曰先期欲產者涼血安胎過期不產者補血行滯

妊婦胎孕遲速論

虞天民曰或問娠婦有按月行經而胎自長者有三五個月間其血大下而胎不墮者或及期而分娩或踰月而始生其理何與曰按月行經而胎日長者名曰盛胎其婦血氣充盛養胎之外其血有餘故也有數月之胎而血大下謂之漏胎因事觸胎

動其姪脈。故血下而不傷子宮也。然雖孕中失血胎雖不墮氣血亦虧多致踰月不產。曾見有十二三月或十七八月或二十四五個月生者。往往有之。俱是氣血不足。胚胎難長。故耳。凡十月之後未產者。當服大補氣血之藥。以培養之。庶無分娩之患也。

慎齋按。妊娠十月而產。其常也。其有踰期者。如唐堯之與漢昭是也。若云二年四年。則怪誕不經矣。尚得謂胎孕乎。虞花溪又從而附會之。無稽之言。勿聽可也。

婦人胎孕變常記

李時珍曰女子二七天癸至七七天癸絕其常也有女年十二
十三而生子如褚記室所載平江蘇達卿之女年十二受孕有
婦人年五十六而生子如遼史所載丞普妻年六十生二男
一女此又異常之尤學醫者宜留心焉

慎齋按已上三條序胎孕育產有遲速變異之證也

○ 妊娠胎萎燥屬于所稟怯弱

聖濟總錄曰人受氣于有生十二經脈迭相滋養凡胎處胞中
或有萎燥者由孕婦所稟怯弱不足自周陰陽血氣偏勝非冷
卽熱胞胎失于滋養所以萎燥不長也惟宜資母血氣則胎從

而有養矣

○ 妊娠胎氣不長屬脾胃飲食減少

聖濟總錄曰妊娠將理無方脾胃飲食減少不能行榮衛化精微養衝任故令胎臟內弱子氣不足生化稍虧巢元方謂母病療母則胎安是也若使脾胃和而能食飲水穀化而運氣血何慮胎氣不長也

慎齋按已上二條序妊娠有胎萎不長證也妊娠以十二經脈養胎全賴氣血以充養胎元而氣血之旺惟以脾胃水穀之氣化精微而生血氣雖有宿疾失調總以健脾胃扶胃爲長

養胎元之本此聖濟一條爲知要也

鬼胎屬干榮衛虛損精神衰弱

婦人良方曰人之臟腑調和則血氣充實風邪鬼魅不能干之若榮衛虛損精神衰弱妖魅鬼精得入干臟狀如懷娠故曰鬼胎也

鬼胎屬女人之思想所結

虞天民曰或問婦人懷鬼胎者何歟曰晝之所思爲夜之所見凡男女之性媿而虛者肝腎相火無時不起故勞怯人多夢與鬼交所謂鬼胎者僞胎也非實有鬼神交接成胎也古方有云

思想無窮。所願不遂。爲白淫。白濁。流于子宮。結爲鬼胎。本婦自
已之血液。姪精。結聚成塊。胸腹脹滿。儼若胎孕耳。非僞胎。而何。
滑伯仁醫驗。有楊天成女。薄暮遊廟。廟廡見一黃衣神。覺心動。
是疾夢與交。腹漸大如孕。邀伯仁診之。曰。此鬼胎也。女道其故。
遂與破血墜胎之藥。下如蝌蚪魚目者。二升許。遂安。此非遇神
交乎。曰。有是事實。無是理。豈有土木爲形。能與人交。而有精成
胎耶。此非神之惑于女。乃女之感于神耳。度此女必年長無夫。
正所謂思想無窮。所願不遂也。

鬼胎屬元氣不足以補元氣爲主

薛立齋曰鬼胎證因七情相干脾肺虧損氣血虛弱行失常道衝在違華致之乃元氣不足病氣有餘也若見經候不調就行調補庶免此證治法以補元氣爲主佐以雄黃丸斬鬼丹之類行散之

鬼胎屬鬱怒傷肝脾所致

薛立齋曰一婦人經閉八月肚腹漸大而色或青或黃用胎證藥不應診視之面青脈濇寒熱往來肝經血病也面黃腹大小食倦體脾經血病也此鬱怒傷脾肝之證非胎也不信仍用治胎散不驗用加味歸脾逍遙二藥愈

慎齋按已上四條序孕婦有鬼胎之證也

○婦人腸覃似孕屬氣病論

羅謙甫曰有女子月事不下。腹如懷子狀。醫者不知內經有腸覃石瘕之病名。而疑爲妊孕。經云腸覃者寒氣客于腸外。與衛氣相搏。氣不得榮。因有所繫。瘕而內着。惡氣乃起。瘕肉乃生。其始生大如雞卵。稍以益大。至其大如懷子狀。久則離歲。按之則堅。推之則移。月事以時下。此其候也。夫腸者大腸也。覃者延也。大腸以傳導爲事。肺之腑也。肺主衛。衛爲氣。得熱則泄。得寒則泣。今寒客大腸。故衛氣不榮。有所繫上而結。瘕在內。貼着。延久。

不己是名腸覃氣散則清氣聚則濁結爲瘕聚所以惡氣發起
瘕肉乃生小漸益大至期而鼓其腹如懷子狀此氣病而血未
病故月事不斷應時而下本非胎孕可以此爲驗辨木香通氣
散主之

○ ○ 婦人石瘕似孕屬血病論

羅謙甫曰經云石瘕生于胞中寒氣客于子門子門閉塞氣不
得通惡血當瀉不瀉衄以畱止口以益大狀如懷子月事不以
時下皆生于女子可導而下夫膀胱爲津液之腑氣化則能出
今寒客子門則氣塞不通血壅不流衄以畱止結硬如石是名

石痕。此先氣病而後血病。故月事不來。可宣導而下。非大辛熱之劑不能已。可服見睨丸和血通經湯。

婦人畜血似孕宜大下法

折肱漫錄曰。予媳申氏。多鬱怒。忽患不月。腹漸大。疑有妊。醫視之。亦以爲妊也。十餘月。勿產。諸證漸見。疑之。醫者亦疑爲畜血。宜下之。以體弱不勝。可暗消。久用行血調血藥。不敢用下血藥。竟至不起。後閱盛啓東治東宮妃一案。大悔悼。永樂中東宮妃張氏。經不通者十閱月。衆醫以爲胎也。脹愈甚。上命啓東診。一一如見。方皆破血之劑。服藥下血數斗。而疾平。予媳病正與此。

合當十月外既確知非妊宜大膽下之可得生惜醫無膽不亦傷乎。

慎齋按已上三條序胎孕有腸覃石瘕畜血之疑證也前條鬼胎本之榮衛虛弱精神恍惚則妖魅鬼邪得乘虛感人臟腑故立齋一以補元氣爲主若內經腸覃石瘕一犯大腸爲氣病一犯子門爲血病幾與鬼胎相似鬼胎與妊孕在疑似間非醫者有洞垣之見往往誤治故附畜血一案以爲宜下之法但下法必見證不疑者始可與議此也。